

涵負樓詩 陳三立



涵負樓詩 卷

共 1 册 存 1 册 排架号 08422

理治市(註) 公館

放園先生書

克山



退行題



温州市图书馆

75.45

索书号码 8042

登记号码 09474

共1册

然

如

泗

涵

負負之屨

社

衍題



民國二十五年  
五月刊於上海

溫州

涵負樓詩序

往履川從余學詫其才氣奔放勁骨天挺斷以爲大成之器旣而履川遨遊兩京間頗以文學見重當時汜今十餘年集其所作詩三百餘首示余屬爲是正讀之多瑰異可喜之作並世詩家蓋莫有能儷焉者夫詩之道小矣然非熟於三古以來風騷作者下逮兩漢魏晉唐宋皆擷取其精華而糅合以爲吾用則苞乳貧隘必無足觀取博矣又必其才之秉於天者有所獨到方能驅駕衆說以自成其邠邠夫然後豁露面目矗立於千聖萬傑之間獨樹一幟而不爲多與羣賢驂駕拾驅而不

可少也今履川年事方盛所造已卓卓如是爲之不己  
其必能自樹立奚疑獨惜以履川之才使生隆盛之時  
上之足以黼黻升平藻潤鴻烈次之亦當珥筆承明備  
文苑清華之選今旣皆不能及而世道所驚適與偕馳  
獨絃哀歌以自抒其怫鬱反不如郊島之倫微吟草間  
者足以邀賞音於里耳是則其所遭之不幸也雖然士  
固各有以自得極履川之所詣精光照耀固將卓然開  
一代先聲率斯世之志業者共進於碩大昌明之域藉  
今不遽遂而千百世後亦必有同聲相應者昌黎嘗稱  
其聲大而遠夫聲大則不協於近聽遠則不斲效於尋



常獨立不懼以待後之作者持此鵠也以往其意量之  
所期姚遠矣微特並世之末流無足道卽所謂承明黼  
黻者又足以當其一眄乎哉而所遭之幸不幸更足挂  
齒頰間哉履川聞吾此說必將莫逆於心相視而笑也  
癸酉三月桐城吳闔生

言詩大抵風騷以下

杜蘇黃爲主當是時高第弟

子有南宮李子建承其家工詩方官邊塞不作詩勝

學爲詩者孔才履川及徐已君旋官交通部數值既

過余上下其議論賞奇析理取抵附往往就各家集

讀其病類窮究其由宋及唐紛紛論他人所不能辨余嘗恨

况

不

癸酉二月時無吳

道歎間時... 少時時而美也

雖香又只以當其一... 幸不幸更只卦

河腹... 未流無只... 承用

常... 以持... 其意量文

温子

涵負樓詩序

余年十六游北京受業桐城吳北江先生之門交豪俊少年數十輩而與武強賀孔才江甯吳稚鶴閩侯方障川曾履川過從爲密吳先生於尙書詩春秋左氏傳太史公書莊子韓非子呂覽及所纂古文範皆口授尤喜言詩大氏風騷以下以李杜蘇黃爲主當是時高第弟子有南宮李子建承其家學工詩方官邊塞不侍講席學爲詩者孔才履川及余而已君旋官交通部散值輒過余上下其議論賞奇析疑蹈瑕抵隙往往就名家集摘其疵類窮究其由朱墨紛綸他人所不能辨余嘗恨

君持論過嚴而濬思源拓胸度於吾師之所詔益有悟者君力爲多民國十七年君南歸就婚嗣官南京余轉徙北方獨與孔才長相見然與君緘札往復論究嘲謔一如曩時二十一年余移居上海復與君聚往還視昔尤勤每宿於君之涵負樓深夜語不休至取憎童僕所語無非詩者如是又且四載蓋十餘年論詩翕合之樂未有如吾二人者也君遠祖卽庵先生以詩鳴明季而高曾以次皆有集祖伯厚先生尤工詩居北京久廣識並世詩流君幼時則已讀今世諸名公之作千數百首而於散原精舍詩繙之數周及學於吾師復受范伯子

况

詩尤篤好之是後大導其源爲詩益多君所致力者陶潛阮籍杜甫韓愈蘇軾黃庭堅諸家要歸之於杜亦博其趣於孟郊李賀李商隱韓偓王安石陸游宋以下作者元好問外涉獵而已自君官交通部時嘗敬楊增舉旣南游復嘗從問詩於陳衍陳三立而治詩塗徑終不外此君論詩主雄深雅健以謂詩之能深者未必雄能健者未必雅雄而深斯爲真雄健而雅斯爲真健此固繆合而不可分世之視浮囂爲雄鄙擴爲健者不喻焉疲心於字句之末自足於其艱晦偏仄而笑縱橫悲壯之作爲可以驚四筵不可適獨坐者亦不喻焉是以論

詩必宗杜也夫杜甫之詩所謂大含元氣細入無間惟  
元氣也斯能入無間而不隔充無外而有餘君又以謂  
善學詩者知相反相成之理必擷人長以益吾短孟之  
視韓雄肆駿邁遠不逮矣而鑄鑱險絕則誠過之韓之  
欲四方上下以逐孟善取資也蓋吾二人所爲刺刺語  
深夜者雖扶疏千萬言皆一發乎是君今以師友之督  
刪集其詩二百餘首印之余故書與君交游議論之迹  
以爲讀君詩者先焉嗚呼區區文字之微壯夫所不屑  
究也矧居今不可測之世有史未經之變可突發於俄  
頃生靈文物且將舉爲飛煙何一二名篇俊語之足比

於寒灰乎然世界盡澌滅無論已苟有一二不滅必文字之精微也且滅不滅固非吾之所措意生乎人間其怫鬱馳驟之思歌哭所不通神鬼所莫愬填塞吾胸以苦吾靈者外此其將安託苟其掘於靈淵之底而發乎聖美之極其又何求夫靈可冥通也由是而鼓盪一世振導千禩可也雖不措意於不滅而不滅者在矣君年未四十其繼此而發發之益精醇者吾知其無紀也發之愈精愈通於靈則喻之者愈益寡門戶之外紛呶之外所餘者幾何然則君固將繼此以發余亦將繼此以書期質證於其人而已矣民國二十五年三月懷寧潘

伯鷹

似

未四十其... 不... 不... 不... 不...

... 不... 不... 不... 不...

... 不... 不... 不... 不...

... 不... 不... 不... 不...

... 不... 不... 不... 不...

... 不... 不... 不... 不...

温子



涵負樓詩卷弟一

孔才出示石鼓拓本屬作歌次昌黎均

橫風破海軒層波愁來高誦昌黎歌車攻吉日今不作

望古魂夢傷如何雄文法物震廊廟龍蟠蛇屈森矛戈

字奇語重爛金石綠文丹篆寧能磨神風海上忽引送

長鯨萬怪森包羅北斗瑩瑩插霄漢昆侖萬仞何嵯峨

嗟哉神物世罕覩豈能終古淪巖阿珍如球鼎列大學

至今神鬼猶護呵重鐸十鼓亦照爛面目雖似神則訛

紙本摩挲發高唱子歌視愈無殊科長劍倚天吐光怪

况



獨以赤手搏蛟鼉風雲震電交摩戛深山大澤蟠虬柯  
雲章霞彩耀八極蓬萊織女飛機梭新篇照耀已如此  
况兼腕底奔蛟蛇會看六丁下攝取一笑皓齒發青娥  
黃河派流何蕩蕩吾細流耳等滹沱廿年兀兀遂至此  
頓轡無術迴羲和雖嘗埋頭誦文史陋儒俗學紛條科  
迷途躑躅長漫漫百勞一獲終無多桐城大師執鞭策  
恨我駑蹇非明駝周鼎商盤有摩寫經眼僅若雲煙過  
燕石錯比金璞鑿枉勞大匠爲磨磋精魂况役佞盧字  
把筆寧暇論磔波銚鏑森森逼向我翻然禦敵思牧頗  
舊拓流傳終有待豈真由命非由它昔歲大學曾瞻視

欲行不忍增煥炯深恐碧眼胡輦去淚眼不惜千摩挲  
退之歌聲滿天地歸來不敢賡吟哦何來君詩摩韓壘  
作書早換山陰鵝得此朝摩兼暝寫應有剛健含婀娜  
君不聞岫巘神碑鬼莫識遑論大道綿邱軻倘使至精  
無人會與子擊楫浮天河探源倘窮星宿海百年應不  
悔蹉跎

孔才鐫印歌

長虹百丈青蒼摩神物甯肯殲么麼恍接籀斯傳真諦  
胡不勒銘鎮邊裔龍蟠虎踞風雲生驚飈爭撼鳳皇城  
妙技屠龍成莫試霜鋒徒蘊山川精蒼崖吼裂霜天寒

紫雲墮地蛛絲殘女媧鍊餘色猶瑩造化何術逃鑿刊  
蜿蜒蛟龍奮牙角矯如鵬翼雲霄搏寶氣朱霞卷壯采  
丹砂琥珀供盤餐招邀神鬼下爲證妖耍亂領敢相干  
自有光精射斗極甯畏毒霧重遮漫知君高舉摩天鶴  
嗟予猶寶荆山玉磨琢封侯印倘成萬里西征飛食肉  
泔泔千金爲買方真當爲子療駮豸嗟乎秋原碧血  
來腥風龍興蛇仆誰能窮願共昌黎爲刻畫四方上下  
逐雲龍

冬夜對月有懷

鬱伊誰與訴霜嚴夜逾永萬象森我旁樓觀入幽迥素

溫

賦

娥忽弄姿寒芒吐微炯金波搖浮闔恍雜萬蛟蜃婆娑  
松影圓窺簾草木靜歷落數星辰指點參與井露氣漲  
烟痕夢驚宿鳥醒魑魅遁無迹柝聲定人影抵掌接高  
談噫氣成滄溟吐納翕百靈玄鑰破神扃悲笳三五弄  
風鶴唳愈警遙憶凝碧池霜空鴛瓦冷微茫生愴歎對  
語咽悲哽幽思不可說灼焚到肝腎四壁息萬籟微歎  
聞蛙蚓應聲徹衆類乾坤鬱孤憤明漪橫河西冰壺凌  
倒景何當躡清都微風蕩孤艇天梯攀無由瓊樓那容  
近弟妹阻兵戈况隔峨眉嶂庭闈有餘戀問我何時返  
蜀江澄素波飛夢敢辭遠

哭畏廬先生

白日墮虞淵羲和挽不起疾風扇洪波奔騰未可止那  
堪狼豕突隳墜到倫紀少微炳孤光光芒互萬里一震  
懾萬囂魂魄褫賊子先生冠羣倫人天澈表裏早歲奮  
孝俠義問動神鬼窮探遷騷精馬鄭揚糠粃笑抉雲漢  
章排雲忽下視瀝血有哀音文成淚盈紙精微貫萬變  
燭計無窮世嚴冬大風雪九度崇陵蹠平生戀恩心歲  
晚不肯已劫餘賸孤臣恩無負養士相望三二百年亭林  
實儔比亮節挺孤標孔子孟抱微旨誅亂肆大聲威氣挾  
真宰瀕危屢無恙自顧嘗慨喜謂是抱道躬彼蒼不忍

死烏乎此天道茫茫甯可恃哲人一以萎萬象日凋圯  
運厄起龍蛇曠野號虎兕心喪痛無極悲來不能涕招  
魂極寥天精爽迷尺咫魂氣如有知惘恍靈視此噓噏  
肆披猖魑魅雜蛇虺切齒而嚼舌九天應髮指

南服稱奧區左海青茫茫精靈炳會之獨以斯文昌二  
陳值乾嘉實登齊魯堂歌詩得陳鄭鏗若鳴鸞皇海外  
青珊瑚金碧何琳琅光精燭南天誰爲發其藏滄溟萬  
里波誰則通其航萬古長委棄至寶奚由章惟師陶萬  
化寶書歸括囊精氣所鎔貫牙角肆恢張橐籥鼓化機  
寶鏡森雄銑虞初九百篇鑄象窮要荒區區救世心沈

痛到肝腸教澤所浸灌萬彙蘇其僵婦孺震名聲百國  
驚如狂理窟闡嚴翁實與爲頡頏大哉兩鳴鳥上下相  
翱翔合傳排雲翼九天恣飛揚豈意不二歲並圯此靈  
光衆流失仰鏡來者迷津梁歸魂暗閩嶠武夷橫蒼蒼  
誰復據其巔植身作高岡成茲開繼業閩學揚其芳窮  
睇望八荒天風何浪浪嗚咽此海水天地爲淒愴流涕  
絕續交佇立徒彷徨何當負艱巨慷慨增激昂

至人羅萬化邱壑藏胸腹般礪忽解衣真氣相倚伏雁  
宕墮白雲滄然出幽谷匹練垂明光龍湫飛寒瀑西湖  
萬柳絲歷劫作慘綠興亡太液波夢寐縈心目縮此造



化功萬象歸尺幅森森茁芒角歛歛影萬竹寒潭浸明  
星荒山聞落木鬱蒼吐深秀秋氣淒以肅神妙窮微茫  
忌者猶歎服輦金爭羅致寸縑擬尺珏嗚乎世競利磨  
牙吮人肉膏血竭無餘貪饕未厭足師獨食其力微尙  
抱茲獨垂老迫米鹽餘以活親族謁陵屢月圖把筆涕  
盈握哀來輒無端卽事成棖觸圖成遺子孫知蘊淚幾  
斛逼視起悲風覽者宜痛哭丹青寫寸心隱以維化育  
忠憤得所宣甯復知顧陸卽此寄痛思所南信有續惓  
王妄比次見適等流俗墨瀋嗟未乾乘虬去何速流徙  
遍神州蒼赤禍益酷髣髴誰爲圖斯人追不復

送陳歧曾遊學巴黎

衡湘閔怪數千載發越斯人亦一奇  
蹴踏滄溟成獨往沈冥風雨欲安之  
吾儕各有攀天夢志士甯爲惜別悲  
便恐陸沈淪板蕩歸來無地著般倅  
肝膈平生都示汝相期意氣欲忘形  
寒窗鐙火盟千劫大海波濤幻百靈  
駕浪獨攜揚馬氣洞幽試闢翟般肩  
佳辰絕域如回首倘見中原一髮青  
泣珠詞次寒雲均

金谷飛灰劫昭陽草不春季倫情自重誰復墜樓人  
指畫開元盛雲窗踏霧歌不堪流涕說頭白舊宮娥

温

銅輦餘殘夢秋衾斷故香空城何意照吾欲問殘陽

林蔚文丈屬題虎口餘生圖

豺虎窮宵伍死生隔世期山荒跳魍魎樹老影熊羆巨

厄猶能脫餘生未可悲遺黎安託命滿目亂離時

舊事依稀紀歸來膽尙寒三年走巴蜀一夢醒邯鄲竊

國功猶烈迴天事大難風塵嗟失教西望極沔瀾

別久意疑暫交親跡轉疏故人欣有子遠道忽馳書斯

事消沉久羣生醉飽餘一詩奚足重流涕感知余

表叔祖郭匏庵先生見余所爲其弟頰壽序招入

蟄園詩社賦呈四章兼示同社諸公

海壖挺孤松龍拏勢蟠結柯條拂北辰卅年戰冰雪太  
保忠孝姿磨礱厲風節萬象迴靈襟觀變尾間穴歷此  
千廢興幽憂瘁顏色肺肝憤莫宣鬚鬢看已白撫然念  
乾嘉宏文起明哲蟬嫣盛科第吾宗與頡頏方期致太  
平終古無變滅焉知勾陳橫禍變固已烈囂然走一世  
誰復念世閱綱紀壞無餘舊德此垂絕巍然魯靈光猶  
及接警效浩歌有閉門義熙存日月何以支乾坤孤臣  
餘淚血

退

賢父子念之心摧傷沙社羅衆賓月一舉壺觴科頭各  
覓句繞室走徬徨形骸極脫略甲乙逐評量驪珠忽焉  
得驚叫幾成狂一笑人間世塵壒非吾鄉大正與扶輪  
羣龍恣翱翔持以繫將絕一綫或可望回頭望左海巍  
巍宛在堂承平恣嘯歌舊事何芬芳事同境則異淒然  
思荔香

才人滿舊京浩劫甯能數涕淚對新亭江山空媚嫵羣  
公憂患餘憤極不得語名園極徜徉瘦蛟吟何苦千態  
與迴旋萬象恣吞吐冥思極造化百靈相爾汝方塘一  
泓水瀾瀾流不腐靜景漾沈碧鑑此鬚眉古蒼穹疑倒

置聊與爲仰俯哀湍瀉鳴玉清言出肺腑沈憂如可滌  
息機聊此聚潛藏有蛟螭奔噬極豺虎萬鬼猶我旁孰  
則不爲虜九天破空去雨露澤大宇何時再騰飛願敏  
斯盟主

猗歟吾先祖服官抱所獨萬變飽滄桑翩然返初服文  
酒與橫縱海內共耆宿晞髮有咽歌大夢忽焉覺孤生  
困薄劣塵鞅苦局促仰首視皇天白日去又速滋愧審  
言孫喪亂况在目桐城有大師道遊寶乘燭千聖開我  
思萬靈納我腹肝膈門祕怪百靈忽夜哭方期鵬振翮  
何幸夔憐足感激詎足宣藏之在心曲翻恐不舞鶴適

退

爲羊公辱大匠老輪扁非公吾奚屬商量材不材試爲  
施斤斲

陶谷先生出示咏蟬四律次均奉會

曾向諸天餐法乳甯於末劫染微塵孤吟自與空今古  
高唱誰堪送主賓落葉哀歌無盡思西風斷夢未歸人  
家山念亂蜩蟪裏慚愧乾坤旅泊身

秋深祇恐形難化年少驚看鬢漸絲說法欲參無上果  
置身合占最高枝已拚強聒爲時棄莫漫浮沈與世期  
抱獨空山歸自媚此心差許白雲知

豈謂居高聲自遠終知志繫飽何求一鳴莫起沈沈夢

萬象都歸寂寂秋天地形骸淪幻化江湖歌哭亂啁啾  
榆枋未是迴翔地倘許吾偕造物游

卑棲聊足安無欲衆竅如聞訴不平老我何堪天下濁  
對人差喜舉家清百年艸木榮枯事一笑人天去住情  
底用哀時復哀逝好從無垢證無生

送鴈銘先生東渡

邦家如燬鬢如絲虞夏黃農夢與期東海忍攜衰病往  
西山儘有涕洟垂懷沙屈子餘天問去楚孫卿遺俛詩  
舜水遺風如可接它年好與訪明夷

疾風能發軒轅夢一卷縱橫廣學篇百國寶書恣開闔



九流異說睨推遷  
大師遁世吾終惜  
至道居夷孰與傳  
縹緲神山飛不到  
擔簦無計獨窺天

還庵先生有庚子元日詩適爲余生日感賦

塵莽勞嘯拂人天  
悟去來東風灑靈雨  
元氣孕靈芟星斗  
扶營室江山起伯才  
微生消息在試問嶺頭梅  
龍象狂猶甚蟲沙事豈殊  
醪醑元日酒風雨茂陵書  
念亂悲何極憐才意不虛  
華年送憂患天地劫灰餘

上散原先生

萬靈號呼神鬼馳  
天吳魂碎罔象啼  
乾坤盪側海水沸  
攪碎萬頃青頗黎  
沉沉萬象墮蒼莽  
飛龍逐電相娛嬉

橫挈日月猛開闔須臾宙合歸清夷散原先生體元氣  
獨與造化相推移吐吞六籍孕百氏微茫墜緒紹孔姬  
盤詰誦正通肸蠃寤寐自發人天思意度汪汪蓋湖海  
蟠胸况鬱千蛟螭豫章誦法得初祖山川千歲猶神奇  
玄言自發天地祕噫氣聊洩黎元悲巨刃獨劃鴻濛裂  
鋒芒上欲逼參危舉世駭汗奔且跳震鑠海角垂天涯  
左海波瀾恣洶涌蜀山聳秀何嶽巖吾生飽飲山海氣  
童年夢欲追黃羲飛駟已挾羲和往倉皇灑涕傷危時  
茫茫學津何寥廓冥幽邃窄風淒迷甫白不作退之死  
綴句無復詩騷遺蛙鳴蟬噪遍海甸天外橫風吹斷之

退

鈞天忽奏洞庭野大聲滌震人肝脾摩挲伏誦無日暮  
口角流沫右手胝恍惚精靈來告語此六丁祕汝能窺  
風迴水弱蓬萊遠瞻忽前後艱攀追九垓破碎十日死  
半天隱見蚩尤旗星辰飛墮不周折斬六鼇足傾四維  
忍淚試睨人間宙膏肓廢疾箴起誰袖手神州看陸沉  
生茲賢智獨何爲詩亡春秋繼述作表裏勸懲相爲資  
萌蘖曾無斧柯斬忍令蕭艾紛猖披口誅筆伐氣獨厲  
妖耍亂領供箠笞豈其風月肆嘲弄長短得失爭纖兒  
麒麟竟絕素王筆杜鵑再拜臣甫詩那知隱痛已到骨  
紛紛但賞瓊琚詞先生哀吟事如昨直與杜老同襟期

上數千歲下萬紀道術在是真吾師三世况兼孟韓誼  
欲從末俗敦澆漓干戈卅年尙滿眼關山萬疊極隄陝  
夢寐雖戀瘦蛟句警效未接孤鶴姿側聞廬嶽已投老  
縣瀑長映雪霜髭姑射神人所居處吐納冰雪絕癘疵  
山水政要文字助歌詩耑足敦民彝雲霞萬態弄暉變  
好杜德機養天倪西江源流衍萬派奔騰直會海之湄  
靈源一點倘許挹白波萬丈當揚鬢渾涵滉漾納光景  
風雲霧電交霆霆九天騰蹕試變化六合上下隨指麾

上石遺先生

老去亂屢經名高襁踵至頗哀石遺翁看盡湖海氣索

退

句有閉門海內馳姓字廿年騰驥子家學未憂墜豈意  
來鬼瞰天故不子惠欲使窮愈工憂患巧位置嗟哉骨  
肉恩終等形骸僞闔棺如欲語一瞑旋長棄淚盡思子  
亭萬里猶馳轡浩劫看己來蒼生日凋瘵哀此垂危軀  
衆手爭一試死所誰復知瞪目視諸帥  
怪奇鬱文字萬世甯能滅沆瀣感意氣造化疑預設大  
羣委末化慘痛紛跋蹙橫流跳猛獸世亂嘻胡烈夫子  
吾鄉彥聲譽照江國仰天自撫膺震名咸橋舌抱一式  
天下餘事包孔墨神慮迴濤瀾一卷凜冰雪衆流納巨  
浸匯諸尾閭穴洪鑪鑄神劍妙技試點鐵平生百慮灰

師友念獨熱此意誰復知剗肝有瀝血

學雖未可知氣不甘人下騏驥超天衢吾甯迨十駕豪  
桀摧萬古高視奪王伯懷此頗有年獨唱畏人和豈伊  
知者希念之輒悲詫顧瞻鄉里親愛就耆舊話儼若父  
祖臨或者警余惰髮白亂愈催飜恐漸凋謝警效接所  
尊私意珍無價顧念招致勤尤幸及親炙奇才愧長吉  
敢賦高軒過心肝嘔示公所求在譏罵

退

况

涵負樓詩卷弟一

嗚呼世向稀  
苦爾會孔才  
劫塵看變滅  
宵歸夢短獨  
南國千家哭  
什悲秋意高  
亂極難言治  
慮都成悔卑  
天象仲弟還

有虧盈亂定  
身猶在傷多  
淚忍傾寒  
魂驚起坐搖  
鐙影哀笳滿  
鳳城  
山河聊指誓  
道路莽流離  
短

皓歌流涕盡  
甯敢哭其私  
未解稻梁謀  
深

化爛醉莫須  
憂

贈行

少

不

不

天地兵戈滿汝行胡向西椎心如欲語執手不成啼劫  
后叢榛莽歸休覓藿藜廿年艱此別吾意獨淒迷

庭闈笑口開仲也汝歸來未改青衿舊空驚白髮催浮  
雲連玉壘落日望金臺骨肉何年聚長貧劇痛哉

江湖莽空闊離散復西東耗矣神州禍艱哉蜀道通回  
颿蹴驚浪孤劍拂長風秋老如相憶摩天看塞鴻

長吉  
憶弟用姚叔節范伯子酬唱詩均

苦雨寒鐙鎮無聊歸心夢逐長江水奈此孤憂欲碎何  
聊復吐向詩篇裏茫茫六合誰相親紛紛萬族吾當仁  
道術嗟爲天下裂囂然詎足識吾真豈知骨肉根無極

溫



甘辛相喻非無人兩馬並行超遠道逸情駿發兼能馴  
七年共踏幽燕雪勞生萬事在求闕物貴從知索米艱  
相對無言真欲絕袖手終悲日月閑乘風可待江流歇  
江流到海不知年巫山縹緲橫嵐烟羣峯萬態弄江水  
落日一去懸天邊丈夫豈合窮愁死拂衣叱咤孤舟起  
帶甲乾坤旅鬢稀驚濤直送五千里恨我不聞語笑聲  
知君氣蓋武陽城團團明月家人共烏乎天地骨肉情  
奉觴首爲高堂道女嫁男婚慎勿早孫子繩繩可若何  
眼看萬代歸一掃累重如山誰汝憐萬卷終難博一錢  
忍見啼號達昏曉空餘悲閔窮人天混茫一世無南北

覆車千載循茲轍槎枒連朝生肺肝荆榛何地開阡陌  
所志平生矢報劉微軀外此復奚求但令文章能照世  
名聲祿位皆悠悠回頭却望別時路莽蕩幽燕萬里霧  
甯我獨無歸省心頭顛兀兀嗟如故眼暗鐙昏寄子書  
書中詞句屑瓊琚浩氣縱橫馳八極神爲風馬雲爲車  
雲車風馬君勿惑且持歌頌歡庭間君不聞九萬扶搖  
莽蒼各有適何事風雨彭城苦相憶

遊西山

夕陽吞亂山衆峯幻危綠天高暮靄逼繁星紛燦簇捫  
葛試攀登徑亂羊腸曲千態萬迴旋勢若轉轡轆玄冥

蹲其巔元氣實其腹開闢幾何年曲折苦未熟夜虛萬  
松靜雲氣時斷續神京莽迴護裂眚恣矚層霄散輕  
霧孤月皎如浴寒城傳哀笳雉堞互起伏何來波濤吼  
峭壁掛寒瀑翻空勢若飛琤琮戛鳴玉初勢疑黏天末  
流瞬及麓出處泯高下誰爲判清濁它日成山邱當年  
皆華屋廢興有乘除世事如轉轂幕席此地天甯用勤  
卜築松根抱明月一夢頽然足神遊極入荒世網詎能  
束

秋懷

長嘯四山秋縱意萬態暝郊原霜露積羣卉失芳潤商

飈爾何來萬馬疑突陣所惜歲寒姿凌厲獨與競剛腸  
難爲熱餘灰亦向燼焉知烈士胸猶可六合孕繫茲將  
斷髮及此未斑鬢不見楚重瞳沉船破釜甌

露重月轉清孤踪寄僧院微涼逼深宵骨瘦不成顛神  
功竟反覆風雲忽遞變窺簾韻猶新恍失素娥面九霄  
恣游嬉萬方病暝眩忍令不死藥高居快獨嚙鼈柱看  
將傾雞肋復何戀書生雖無能艸檄尙餘硯  
沸天亂哀吹不復辨宮徵曠野莽瘡瘡傷重難爲起登  
臨空掩涕絕歎山川美秋江澄落日巫峯凝暮紫歸夢  
墮層波意逐孤舟駛平生輪困抱掬水擬一洗豈意日

况

月光終晦層霧裏詩成憤未宣餘意欲裂紙感嘆復何  
言行看乾坤毀蕪然一夢醒絕笑槐安蟻

此詩歲闌次坡均二首

歲闌俗來催物微意足佐應節聊致需情重寧論貨遭  
亂念每摧資生事亦大乞米無贏糧閉門擬高臥搥戶  
意餽貧索逋忽盈座已悲蛇赴穴尙欠蟻旋磨無術息  
勞生反畏佳節過此意甯獨知一倡來百和  
別意積苦多窮年送恨遲外家覓梨栗舊夢渺莫追旅  
況看漸非憂患知無涯家宴豈不歡終嗟非兒時阿舅  
忽我招酒美魚復肥博塞相與嬉蕭然散千悲爛醉吾

猶堪深杯罰敢辭一笑顧所親顏鬢差未衰

神州試橫睇歲歲騰龍蛇舊運苟不遷劫火誰能遮相  
守意已癡莫挽當奈何豈合亂離身而事兒童譁興闌  
吾且歸馬策試一搨斷句索苦艱醉墨畝以斜飛騰縱  
有時歲月已蹉跎孤抱託千秋時名安足誇

陶公懷古田舍二首次均追和

平生志隴畝宿抱苦未踐浩劫看漸來流離知誰免感  
此傷民艱萬古試一緬作息安所天耦耕豈不善安知  
迫吾生黃農去已遠無徑寧論荒有田詎能返惜哉避  
世翁歷世猶苦淺

退

不均聖所患所患乃非貧半飽猶苦艱力作亦已勤輟  
耕坐太息隴畝甯無人廣漠來薰風生理忽告新雨澤  
雖未滋向榮意自欣溺沮與爲羣望古欣知津富教得  
所宗何用誇乞鄰還淳貴循本勗哉吾天民

丁卯三月十三日還庵先生招集北海展上已分

均得過字

人生百年一刹那更堪萬劫迴環過不有高文感異代  
芳辰一去當如何尙書憂國託孤抱逸興獨發從巖阿  
重借餘春展襖集鬢絲十載嗟漸皤羣賢少長咸來會  
玄言勝賞紛條科不須勝地覓山陰直教氣類還永和

太液迴瀾自清泚瓊華弄景猶峨嵯露盤好與乞金仙  
荆棘何用悲銅駝酒酣神嶽起四顧怒濤驚涌千蛟鼉  
睽目耐舌各有噬真成浩劫淪脩羅障海迴天豈無意  
九關虎豹誰能訶不借勝地續暫歡更從何地賡微哦  
憂患餘生天所造諸公可復傷蹉跎回首萬方痛沉陸  
寧當一序擬臨河戮力神州共推挽或爲末造已癘瘥  
就令不祥艱驟被吾曹精爽終不磨傳之千秋遞萬紀  
應有感發爲摩挲憂樂微生感漸多興亡俯仰賸悲歌  
橫流滿地吾安往悵絕閑鷗萬里波

浴佛日遐庵先生招集南海賞花賦呈四首

退



况

大化遞推遷羣材與消長煦育得所滋恢明動昭曠石  
林當代彥高居籠萬象振翮八極歸臨風結遐想玄指  
同軌篇並世信無兩娟娟上林華獨坐愁孤賞佳招集  
羣彥清游絕塵鞅青雲騰九霄逸情看俱上大海臨前  
庭極蹤試一往日車信可浴橫流徒泆潏  
突兀聳危空斷碧絢晴霞曲廓極迴合水石相要遮禁  
籞雖漸荒卉木猶足誇運去物自華大哉生無涯芳風  
被郊甸籐蔓紛交加國豔雖就萎藤蘿亦已花垂梢自  
葳蕤蟠屈疑龍拏焉知南服卉怒茁方騰葩代謝等逝  
波散聚亦搏沙託物得暫歡何用長咨嗟

空際聞妙香意澹息萬擾冥思若有會浴佛事非小拯  
迷一出世說法豈不早惜哉世愈降福利事拜禱達人  
逞機鋒妄見益顛倒不有悲智豪孰爲存微窅猶恐漏  
被餘不祥未盡掃復此事結集佛力與蕩漂生滅亦何  
常緣會信天巧勝諦如可聞願言摧外道  
瘡痍遍神州頽洞未可極平生江海意孤往當安適非  
無賈生策百年安反側欲陳旋復噤自視誠迂闊公胡  
獨我念屢招與盛集學淵久不波得此獲一激因思谷  
口鄭老向海隅蟄喚月醉漪瀾墜夢寧能覓歡樂苦難  
常憂虞何時畢萬感併一歌茫然念今昔

退

黑龍潭用老杜萬丈潭均

長嘯詎盡哀暫蟄敢終晦騰踔溟渤姿蟠屈湫潭內逸  
響振幽棲微陽澹輕靄輪挾狂飈馳徑轉蒼崖大到門  
綠在地叢篁靜吾對逶迤迴闌楯杓突異湍瀨冷光浸  
沉璧圓碧不可碎鑑景萬妍媸大宇寧能外葳蕤籐蘿  
花高簇疑縣旆微馨澹層巒斷蕊浮淺瀨境幽艱久淹  
歸轡從朋輩烏乎窅冥居神異天下最風雲信可期變  
化極無礙雷雨奮何時願言俟際會

題涵負樓用山谷松風閣詩均

腹能匯海納百川足無立地插一椽欲登狼胥勒燕然

提兵瀚海知何年義皇邈矣思葛天焦桐神往薰風絃  
紛紛四海飲狂泉扶持舜禹徒爲賢萬靈風雨集几筵  
黃河白日孤光縣我來一笑坐青氈眼看奔瀑鳴潺湲  
斷霞幽澗山花妍落英垂露堪粥餠蒼茫六合迷烽烟  
安能嘯傲棲林泉何必風雲騰我前樓頭晝護蛟龍眠  
一聲破壁雲雷纏塵鞿世網不吾攣乾坤寧待重斡旋

落花次弢庵均

幾番開落暮春時一例興亡接所悲文采賸能留豔大  
繁華何用怨醒遲飛騰逐逐層霄傍飄墜紛紛四海知  
莫倚枝柯際天地試從柯爛與觀棋

退



行



塵沙九陌枉猖狂飄散何曾損故芳豈謂摧殘關宿業  
更堪零落看終場山河故國空垂涕風雨高樓且命觴  
滿地殘英如可擷好留芳潤漱肝腸  
不疑過眼色成空掃蕩難禁八極風魂返枉期隨夢蝶  
劫餘莫漫誚沙蟲孤鷺舞鏡春將老么鳳臨窗曲易終  
何必來春思爛漫祇應歸作采芝翁  
一去韶光未可留賸飄殘蕊寄枝頭極呼后土知何補  
欲逐前溪不自由養豔曾聞張錦幔酬恩倘擬墜珠樓  
名花身世真堪羨底事春歸怨不休

一嘆

一嘆微生猶落拓百年塵夢幾悲歡登車攬轡心徒壯  
返日揮戈事更難衆醉祇成天曠曠獨行寧計夜漫漫  
丈夫騰蹕無窮事不用魚龍側目看

丁卯中秋飲舅氏家表弟秉益新自海西至痛飲  
盡歡乘醉泛月北海醉舟不進李大歸川至自  
閩不數日適亦盪舟其間聞聲相呼求繫挽得  
登岸加子自舅氏家歸月色甚朗而吾離家已  
入載高堂弟妹散處各天一方引杯醉歌知念  
吾甚至而吾乃阻干戈衣食不得歸省奉一觴  
博堂上歡笑而知交淪離亂其遇甚於吾者又

退

欣

十更誰不知凡幾而暴骨沙場者又孰無父母妻子可  
鞭撻而念驅遣殺戮徒以供一二人權勢之圖曾不顧  
萬家悲怨之無極感念古今萬感繁集不知涕  
之何從也范伯子先生次高季迪張校理字翫  
月均益高因亦次一首寄上大人弟姝呈昌氏  
兼示朋好焉

茫茫何物爲蔚藍幻此海水橫烟嵐天高沉醉問不得  
人間大月應同探姮娥顧我忽笑視雙鬢一讀看成參  
焉知微生鬱奇抱上下天海相濡涵渾淪滉漾納光景  
茫然此境誰當參大地河山正破碎刹那幻景寧足貪

却笑一星萬世界佛說粒粒當空嵌何哉微塵擬國土  
猶聞爭奪起詰誦着我爲人於茲世豈合老作詩書蟬  
大千朗澈意有會極思抱月棲禪龕漲海沉沉莽無極  
終成無地尋茅庵月窟瀛壖蹴踏返眼中壽骨真杞相  
長嘯劃波星斗碎蛟龍影寂森寒潭白也騎鯨發大叫  
橫波來自南海南尋聲顧視雜嘲弄橫斜偃仰嗤眠蠶  
糟醜啜哺世猶競地天席幕吾何慚世間萬事容撥置  
朋友性命平生孰合眼江湖怨淪散長夜不得爲深談  
解醒何物足稱意翻然三峽思霜柑風雨晦明視汝月  
十度猶能圓一二團團一觴尙吾斲彌天酒淚知難含

溫



况

腸迴輪周共萬轉欲追月御停征驂嗟汝一歸吾未老  
高堂白髮非所堪歡笑飄零各有慨此味何只吾曹諳  
夜深月寒白骨動沙場森立皆奇男胡塵中原亦何辨  
深閨好夢仍同甘夢醒月落望不返九州哀怨何時戡  
安得揚輝蕩塵垢萬家咸荷功施覃一歡來歲得慰藉  
痛飲倘視今宵酣何用水天明鏡裏長對樹影垂甃甃  
李歸川別三年矣頃至自閩奔其族祖星冶先生  
喪行將歸娶贈詩二章將意  
暫離每致思提心常在口倘令終日對誰能長相守所  
以超世士分道蹕九有劫后一相攜彌知別味厚卓哉

吾李子豪氣溢戶牖八極遍痍瘡待汝掃已久何事役  
象胥老作詩書偶荷戈負長戟發憤遂西走昔歲戰黃  
村勇發何糾糾訛傳折足傷驚痛一回首吾仲夙厚君  
於時亦困守小靖遂南歸非只省父母書來每君及歸  
川今在不森森蜀江波盪頽環其紐莽莽大漠雲太行  
伏其右望弟久不來甚恐成老醜萬死竟還君警痛重  
握手亂餘俸苦薄具醉艱貫酒賸此十日留一歡何能  
后欲言苦無緒狂歌且擊缶馳書急報弟橫斜亂蛇虵  
醉起視茫茫汝我知誰某精誠以相期萬劫同不朽  
觥觥望都李吾祖夙推服謬許文字知愛我亦已篤堂

通

欣

堂障川方平生吾弟畜才氣逸老蒼論鬢正慘綠曩聞  
伯陽化驚淚迸簌簌事羈阻奔弔隱痛實在腹何期聞  
大笑翻來方生躅謂友吾歸川到此期可矚二子意氣  
親相知非吾速何哉精魄通茫然吾未覺失喜呼極歡  
道故態復肅爲言族祖逝北來淚一掬行復南歸娶新  
人真如玉丈夫生亂世所患己局促何堪迫妻子此意  
真太毒君歸母未老慰意嬾又淑畢姻行去鄉踔躑誰  
能局豈知吾聘嬾所遭正爾酷拔拯與北來吾親計爛  
熟翻恐來日難道途况未復悄然送君去歸步餘躑躅  
海波遠漲天花光爛盈屋同心當何將故園有黃菊



况

涵負樓詩卷弟三

萬彙判陽陰得時斯爲寶形氣秉偶殊何須問蒼昊舊  
接坐孔才生女有詩次均奉和

俗重生男所期能跨竈生女畏貽罹祇合閨中老海通  
世驟進變革實不小豈有雌而英長甘伏以槁蠻韉何  
登登蓬髮何艸艸騰超意絕憲險蟻曹未曉遂令父母  
心變色走相弔斂肆艱折中無生信爲好嗟此萬口詆  
舊典胡不考不聞金輪帝臣妾足億兆不聞秦將軍風  
雷資叱嘯徵今旣飫聞於古例非少運會與遷移賦予

豈顛倒丈夫迫室家世亂艱一飽分半得却肩已幸不  
吾擾又况妖霧橫太陰亦失曜欲割凶蟆腹尤待麻姑  
爪靈苗降自天秀茁挺其表合家動干歡子胡鬱孤悼  
萬族日凌夷吾儕幸暫保后顧極茫茫來日誰復料正  
當慎寒饑調護得其要縣知周晬日解語益姣好千金  
買無愁願弄有餘樂生事亦區區何用縈懷抱

重九北海登高

莊生却曲愁迷陽屈子臨睨悲故鄉吾生二子后恨晚  
獨以孤抱相翱翔堂堂毛翮亦殊異胡爲官舍成羈縻  
佳節忽臨如釋繫高峯獨立恣所望山川盤鬱足迴護

退

何來慘澹兵塵黃牙角九關拔虎豹風雲八極驟鸞皇  
登高稅駕當安適海天烟霧橫蒼蒼吸呼秋氣與激盪  
鼓我萬怪槎枒腸

再次一首

玄黃戰血凝陰陽腥風霧雨迷江鄉地折天崩亦何事  
恣此羣醜爭搏翔人生縱意本天賦胡以離亂爲之纏  
蒼天未死吾不信白骨蓋地胡相望一哀沉沉白日逝  
千年漭漭河流黃眼中唐虞竟何物况論漢武兼秦皇  
拔劍騰空聊復罷余愁莽莽天蒼蒼蠻蝸角觸亦細事  
安能蝨我蛟螭腸

贈銅士

桐城教我爲文字要以橫絕發雄姿吾文廢墮久不進  
君書兀傲乃益奇洞庭揚波衡嶽高星翻斗晦熊虎哮  
纓冠被髮救不得獨以健筆驅驚濤風霆入腕啼山鬼  
雄虺九首藏厥尾學仙得道將何餐玉盤森動蛟螭醢  
漪梅十五歲生日舅氏治杯召飲因以吳書楞嚴

經卷子爲贈

古禮重加笄佳日值初度亭亭芳絜姿豈不以質故纂  
組旣工絕餘事亦咏絮貧居共一觴天倫自饒趣汝姑  
我先母萬里未歸墓欲誓向何方痛餘還自怖弟妹念

溫



外家意敢忘將護福慧祝汝增寫經或一助吳書天下  
道精整絕謬誤大乘況可聞誰當惜縑素臨摹信有時  
玄言應自悟何能僅汝期筆精冠時步

秋岳南遊初稿有遊鼓山用十賄全均一首因次

其均以論駢散之原箴末學之陋兼明所守焉

鯤鵬振南溟蛟鼉窟左海精怪所奔趨人文於斯在茫  
茫造化機陰陽坐相待槎枒聳肺肝突兀爲領頰嶙峋  
露骨幹青碧儼髣髴萬態幻千形風雲日變改或燦若  
金葩繁枝茁玉蕾或瀉如懸瀑高浪激疏礪或怒若蹲  
師拳毛霜雪皦或淡若遠峯淺黛益幽壘砥礪映棱角

過蔽蘊光彩淵含見停瀟壁立聳嶼隗輪困蟠老幹葱  
蒨抽新窻鏗鏘鳴石金晶瑩轉珠琲發露此奇靈翩翩  
橫俊案漢魏望非遙班蔡追不怠江夏譽無雙倏忽挺  
雙蓓却笑明清來坐被袁吳給造句祇餽釘砌典疑硤  
礫有若歸方徒奮起窺千載臃腫雖決瘦堅瘦亦病癭  
非不志騰超偃蹇等駑駘非不勤磨瑩一拂嗟敗樞非  
不具形似轉動則傀儡蝕腐無足珍乃欲擬商鼎苦瀆  
無足餐乃復號特乃真氣無復存乃欲起馮馮筋骨無  
所麗乃欲健腰骸疾痛論斯文膏肓非疥癩淵淵發大  
聲突突被堅鎧皎皎揭曜靈騰騰挾真宰氣若怒潮奔

溫

似

一奮忽百倍廓清極掃蕩誓將洗庸猥可堪豺虎橫鳳  
麟日就餒到眼皆瘡瘡填胸積磊魄神州試窮睇千痛  
無一愷豈憚肆征伐自殘忍執鐔豈憚奮口舌恐被羣  
兒詒天衢若可超舉足愁萎腰雲門若可奏沸耳皆猥  
欵旁皇歧路間焦思每成願回頭望學津茫然艱測灌  
要使元氣實那畏橫流浼意境必精微骨幹必螺磈褒  
譏自有權利勢寧能賄乃知文字海道德爲源匯何哉  
儷散分爭議起每每言偶遂忘奇知子乃遺亥豈知虞  
夏書巍乎峙巋莫大易炫神奇玄黃極藻綵葩經麗以  
則形容賦崔嵬騷些三述怨哀芳椒雜蘭芷下逮揚馬作

賦頌何燦瓘所貴聖者徒博搜肆旁采自將龍虎氣獨  
調蛟螭醢大冶若能鎔小知何足舉但恐儒冠溺詩書  
詆敗綬草味噓精靈六籍惻將殆聖文振孔姬夷音屏  
羌虜違俗信可哀抱蜀終不悔

月次杜老均

獨夜凌虛起孤光歷劫新升沈一身事哀樂九州人河  
漢聊藏影風雲待轉輪戰場白骨在不忍向西秦  
寒魄森羣動魚龍弄影清盈虧要有定顯晦亦難明天  
地蒼茫感關河離合情團團來歲事何必淚縱橫  
八表驚縣壁三更欲滿弦沈沈初過海耿耿獨經天毒

霧南荒塞妖星北極縣廓清正需女莫便墮窮邊

晉卿先生大父同歲生也余旅京八載未嘗脩謁  
今秋弢厂太傅八十壽先生讀吾文亟問吾弢  
厂具以對先生曰是蓋與吾有舊弢厂又以語  
余感念知遇先人交好亦零落將盡矣而先生  
猶巋然獨存爲北方老宿因進謁先生旣嘉勵  
之余因有先妣銘誄之請爲長歌上之

彌天兵氣塵揚堞抱蜀窮居誰識我室堂欲從姬孔升  
門戶却遣遷雄羅烏乎戰伐何時休六籍光芒日摧墮  
眼中謁哭幾廢興發憤陳編意亦瘳酣嬉遊戲寄斯文

敢效灌夫時罵座黃雲莽莽高接天玉關萬柳垂青瑣  
先生款段作屏藩早有功名壓牧豎頗吐吞奇氣出幽井  
高文一代闢淫說胡顧吾筆發咤嘯却以璵璠擬涕唾  
風正導揚夙所欽名聲銜瀑吾知叵三世石交信可繼  
應有石言攻吾過廉吏可爲心不悔公言吾祖計非左  
極困必亨澤斯遠及身何論磨蝎坐清激閩江水嗚咽  
綠雲蔭覆竹万个巉巉白石齒清波挺挺孤標茁奇筍  
烏乎吾母實視此冰蘖雪霜爲礪磋百年化去不移時  
舉世紛逐將以裸人生立節貫地天文字表章亦細磨  
泯湮倘令久無聞風世扶衰將何可况我萬里傷宦遊

况

將母不遑痛成哆欲鐫金石述艱貞位業名聲嗟非大  
平生並世吾荆公銘詩排冝極帖妥森然奮筆出雄篇  
橫流大海應知柁更聞三島有儒生忍淚典墳就摧挫  
獨徵哲匠繼河間流略羣儒與研磨賤子不學固有以  
敢向洪都論述作閒曹鬱鬱成情荒高歌況不救寒餓  
聖文域中看垂絕海外終思綿鯨羸驥尾末光倘許附  
要道微傳敢辭荷不聞蓋世謫仙人薦舉猶煩四明賀  
入  
遐庵夢憶圖題詞

桂堂孤永夕獨醒有沈哀風雨潛龍嘯江湖啼雁猜彌  
天填礫砢入夢泣瓊瑰一枕遊仙去荒筵莫浪催

淒絕哀蟬曲翻成嘆鳳歌星河人縹緲仙闕夢嵯峨歷  
歷三生在騰騰萬念過閔悲意何着吾欲問維摩  
八極翻飛裏何方是去鄉先鳴恨鷓鴣宵駕戒鸞皇玉  
女初辭佩麻姑已種桑情天回首處孕劫正茫茫  
一代興亡地昆明試桂艘春歸黯湖水歲晚臥滄江翠  
幕低銀榜瑤池敞綺窗前遊飛夢返愁絕對昏釭  
埋骨西山畔荒壟發故馨紫烟橫夜月紅淚化秋星松  
氣沉沉靜梨雲淡淡冥鐫恩凝魄意伐石自書銘  
香象沉冥對靈犀恍惚通鮫綃曳冰霧縷帳擁靈風身  
世艱危際神光離台中彌綸無盡思好與絡鴻蒙



欣

出世成低笑凝思識宿因空山飛斷瀑滄海漾微塵  
叨利三千界華鬢億萬身瑤光奪席去覓影定誰真  
疏雨重簾隔愁聽斷續簫積哀融賸馥影痛入生綃  
畫手嗟淪落詩心久鬱陶更堪寒日下九土亦蕭條  
霾霧神京塞烟濤島國寒倉皇獨來往飄散自闌珊  
玉軸歸裝易珠宮返魄難何由寄芳悵珍重碧琅玕  
慘惻尋常語荒茫幽窈思孤哀鄰水繪長恨繞須彌  
文字無窮相人天隔世期華嚴清淨想念念好扶持  
雪次北江師均

雕虎鐫獅隨所弄初從塗抹肆酣嬉轉眼跌傾出號慟  
成虧銷住本無常底事奔趨極控僣九閨帝所鬱峨嵯  
瓊闕琳宮倉黃凍翩翩翻舞萬玉妃飄曳天衣疑無縫  
雲裳縞珮駕飛鸞素管冰綃擁銀鳳隨風體態何婀娜  
液池天半紛來降却凝圓鏡試冰嬉顛倒歡娛真忘恐  
深顰淺笑釀溫風峭寒玉骨寧能中長安哀樂幾豪雄  
獨我閉門坐窮巷小團蒼壁點飛花且甘舌本肆嘲諷  
肺肝欲教出晶光骨幹故應極磨礪坎珂宙合信能平  
不信獨窮未教送層冰觸地地維動天柱將傾要梁棟  
摩挲松柏世難期支柱危艱誰與共荒茫春氣迴虞淵

溫

沉

欲叱日車逐羲仲忽驚照眼有新篇  
熊熊孤光鬱深衷  
玉塵橘戲賭瀛洲九斛播揚沉埋衆  
張目何須語夏蟲  
倒頭但可發春甕酒酣迸淚憂思來  
飛揚跋扈誰發縱  
天公遊戲信足誇九土淒迷安從控  
絕憐海角作癡兒  
沉酣猶作鈞天夢

與世  
上  
均  
谷  
先  
生

長安聲利窟念我幾師友帶索行浩歌  
乃復見雲叟往  
居番禺幕接席故未久示我咏蟬篇  
高格逼韋柳於時  
亦弄筆詩成慚出手公胡發嘯詫謂此  
當冠首詩禪一  
世豪用意故不苟我詩豈能工感激在  
善誘獨謠不成

籟衆狂知誰嗾素王業將絕玄文空復守遇窮氣彌厲  
道在世敢朽持此以窮年庶以酬相厚

西山環百里斷嶺連危岡珠簾浮落日雲氣何蒼茫往  
誦散原詩萬態已具詳間公復語我故居在其陽高人  
與世絕棲隱當何方曠此清淨地投老堪徜徉鸞鳳日  
以饑豺虎日以狂欲行不得歸語我輒自傷相慰苦無  
耑寸念千旁皇吾系出南豐西江實故鄉繼業知不勝  
養拙或所長何當從陶公高原偕種桑  
薦舉雖不售強聒至三四於公亦常耳聞者足驚異公  
學實超物老至尙不試我劣何足言擯斥何能懟問公

温

况

所挾何又况非利勢微官冗可刪傲骨世所忌昔歲託  
郵曹孤立吾何恃一老挺桐城奮起排衆議留我遂至  
今感念每流涕何意顛危交復此見風義潛龍象可占  
腐鼠寧所冀絕笑向世兒吾屬有冥契

張季直誠子詩有兒所不及父正坐苦不足語悵

然有感次其均爲三詩自勵云爾

萬族日凌夷而我茁其間六籍日荒廢而我恣所觀少  
小極縱肆不識險與艱世途略涉歷觸眼皆憂患日出  
登東皋仰睇天宇寬衆草忽浮綠春來嗟無耑一噫發  
其氣萬物得所官乃知造化力泯然絕諛訕仙山極迢

遞瑤草紛萌菅何當從此逝輕舉不復還烏乎世諦深  
解脫良獨難

精誠能感通時地無遠近微學苟得真薪火傳不盡千  
聖望非遙四海放皆準吾生少雖困壯翮故未損浮海  
乘長風落日孤帆穩一奮志欲飛轉顧境何窘豈無同  
姓達尊俎司其柄欲陳且復咽極呼甯汝省乃知當代  
彥揣末貴遺本譬彼行遠車得輻遂棄軫厄汝乃汝福  
念此當釋忿恍惚大道間周孔爲吾引  
名位得過早實非少年福豈惟阻精進天道惡滿足吁  
嗟大父母此意夙我屬時饑哺我糜時寒厚我服抱弄

退

顧復恩宛宛出心曲童稚值承平跳盪有餘樂焉知廿  
載間歷此喪亂篤惻然傷肺肝慚言出頭角冥冥呼不  
聞吾痛寧足錄盛業苟有就下位詎爲辱不見大海欄  
摩天有黃鶴

和孔才

大萬炎羲胃倉皇何處家赤鷲營北振白日海西斜野  
哭寒孤月頽垣聳斷霞人間悽惻意忍與問黃花  
披衣中夜起斷夢警哀吹大野癡龍戰孤城病馬疲詩  
成神鬼泣道大地天卑絕俗逍遙去何堪老馬羈

童童桑蓋地今復挺孤松兼月危城守迷天伏甲東積

骸橫野斷回首陣雲空戰伐尋常事歡呼涕笑中  
幽井形勢地豪桀委荒田殘骨纏荒蔓羈魂幻野烟深  
淵方墜日孤抱孰迴天遺子知何往沉吟一愴然

萬牲園海棠

春晝騰騰未易闌人間絕豔幾回看四天晴霧烘顏色  
萬劫溫磨鑄肺肝銅輦事過神惘惘玉闌衣薄珮珊珊  
歸車夢逐巫峯去腸斷城西一睇歡  
扶醉名園恣獨哦粉光脂暈影橫波生愁雲豔年年改  
欲叱雷聲日日過瓊闕桃花餘夢在芳洲杜若奈愁何  
眼波欲伺何由伺惆悵當筵宛轉歌



涵負樓詩卷弟四

將出都別親友

倉黃四野動哀笳  
慚對春風拂鬢華  
天地沉冥嗟漸老  
陰陽搏轉竟何差  
孤舟蜀峽歸心疾  
落日神京暮色加  
別矣朋交莫惆悵  
丈夫生事故無涯

呈北江還庵時谷先生

本師贈我行賜我書盈束  
府主餽我金期我爲孫復西  
江時谷叟惠我詩盈幅  
我親及我故別我意何篤  
問我返何時三月期不速  
吾生最戀別暫離額猶蹙  
况茲萬

里行熱淚忍辭目蜀山春漾青蜀水春浮綠春風送我  
歸此意苦未足白髮六十親念我意殊酷我弟復我妹  
屢書復我促爲言外大母盼孫淚盈握更有吾聘婦遇  
遭抑何毒茫然天倫恩宛轉縈心曲况聞神京禍燒燄  
等殘燭八年京國居忍見陵爲谷悵然出都去誰堪長  
此局所謀苟有成吾諾應未宿何用長相思念我日往  
復

三年居京曹閒官實逐隊微名終何償辛苦飽世味憶  
吾始受學所懷已絕類相彼趨時徒未發已內媿豈無  
域中豪薦我至數四運舛意多違惟餘知己淚乾坤尙

溫

澹蕩江湖痛潛沸道路阻兵戈欲行苦未遂冥冥大海  
波魚龍極幻戲茫茫揚子江波濤接天際盜發夔巫間  
出沒弄神鬼涼涼攜一身踽踽行萬里豈伊負重姿奮  
發無所忌於戲杜陵叟稷契身自比麻鞋走潼關所餘  
但悲涕北征有巨篇奉先五百字歌哭繫生民元音實  
震世吾少誦斯篇發憤每歎歎縱迹念孤生沈憂雜凋  
瘵蜀山自雄奇吾懷自沈毅萬態入孤吟往矣吾何畏

舟次大沽

津海千年一水通沉沉冥漲接天風  
艤艫馳逐波初大星斗迷離月正中  
北望何堪纏寇盜南來莫擬志英雄

危闌獨凭知何待認取晶窗海日紅

渡黑水洋

夜氣沈沈水鬱蒼南歸北客意茫茫寧知滄海成何世  
欲認寥天作去鄉刻畫鬼神供戲笑咨嗟傭保話興亡  
科頭跣足橫波去一枕何分上下牀

海

百國爭馳逐萬靈恣吐吞荒荒蒸日氣渺渺界天痕波  
長神逾王瀾迴道自尊倉皇獨歸客縣夢望中原  
慘澹猶飈發荒茫宿霧收萬流看盪激一氣與沉浮異  
境誰能擬神山豈待求平生聞佛說變滅本浮漚

退

驚浪馳玄鱗靈風舞翠虬寥空沉夜氣孤月鎮橫流洶  
涌聲彌壯縱橫志未酬填胸憂樂意莫漫語閑鷗

抵滬

駕海成初客申江漾好春萬方多難日十載一歸人江  
水蒸詩思鶯花笑戰塵舉杯成獨酌何敢負芳辰

呈韶覺先生

劫后重親老鶴姿時危真見鬢成絲扶持大廈資梁棟  
翕闢洪機鑄怪奇江海一收流始大雲雷百變意何之  
絕憐憂國迴天抱獨坐孤吟說向誰

落拓京華百不成歸帆遙指蜀江清懸知滄海終無極

賸挾春風壯此行  
娶婦聊從承色笑  
感知何只說名聲  
長江一水秋逾壯  
倘使源瀾得少橫

舟過通州

當年張范蜚聲地  
壯歲吾方過此行  
入眼狼山迷霧去  
逼胸蜃氣趁潮生  
詩書未必灰終燼  
鋤棘微聞禍漸成  
荷鍤執經兩無似  
危闌孤詠淚縱橫

過金陵次

大父均

無主江山起伯才  
漫天風雨逐人來  
鷺飛艸長春二月  
鳳去臺空事幾回  
車馬北征收落日  
滄溟東望起驚雷  
乘飈不住非無意  
忍撥南都劫后灰

過

自渝至蓉途中雜詩

夜雨勢未已朝烟猶迷濛萬山莽烟雨吾行當其中野  
田羅萬畝到眼禾黍豐密竹拂低枝叢柏何鬱葱萬態  
浴新碧和以炊烟濃欣賞未及已烏犍橫我東荷蓑三  
數輩插秧方鞠躬斯事真可欣甯復貪天功何當棄宦  
服長揖辭歸農

徑逼危峯轉雨逐天風落密箐籠蒼烟冥然霧四合上  
攀百丈梯下臨萬丈壑伏流瀉縣瀑聲急道又滑輿夫  
何壯佼譟呼相應會路盡林始開欣然見剴豁蜀山夙  
雄奇蜀俗獎豪猾何當一翦除隱秀爲啟發陳詞孰見

聽悵然懷諸葛

簷間聞浙瀝夜雨已可厭朝發茶店子荒霧塞未散山  
高溪水急緣徑自奔竄流急禾漸披衣薄骨自顛山田  
勢非卑水勢亦沒盱滴滴濺雨珠恍惚代血汗烏乎黃  
農裔賦秉夙稱善智懸勞逸分富貧斯由判倘能遂厥  
生勞極終無怨膏血擠無餘勢迫乃稱亂已亂誰能肩  
俯仰餘獨歎

脩脩見廣道出郭廿里強體制信恢宏法度殊未講斷  
田以爲道所積惟土壤雨深泥沒蹠路絕迷還往俯瞰  
魂欲摧愁絕艱一上竹密徑自紆灘高瀑聞響旣登復

退



反顧伏流勢何廣長松立危石高岸激猛浪照眼氣忽  
新塵勞極掃盪

寸碧塞遙岑微徑莫辨識迷茫霧氣中一一猶歷歷須  
臾朝暾上大千還本色近郭江聲喧繞岸密竹直危橋  
橫石梁喚渡意何急平生烟艇意亟思理歸楫廿日苦  
舟行就陸苦初釋焉知三日程腰脊痛無匹苦樂相乘  
除豐嗇甯一律烏乎天下事何能皆汝適

過成都中學校

惘惘微行徑未荒却依蠻舍認門牆道游幸有君平在  
悼逝初傳子政亡錦里弦歌看寂寂京華歲月去堂堂

墨池波漲微風起  
騰覓當時一味涼

過賓萌公學

十年別意層層積  
一夢童游惘惘過  
回首友師俱寂寞  
摩空花木尙婆娑  
危時教學看諸弟  
勝地徘徊付獨哦  
橫舍陳經當日味  
可憐誰與挽江河

贈臧伯堅

當年玉雪眼中人  
執手驚看瘦鶴身  
繞座叢篁引天籟  
浸簾微雨媚雲顰  
青山黑劫幾翻覆  
烏帽黃塵各苦辛  
廿載重逢遽分袂  
層樓凝望獨傷神

化城寺拜

大母殯宮後  
同七弟江樓茗坐

崩肝古剝展幽扁蛛網塵封積晦冥十載遠遊虛拜掃  
一棺凝望渺神形蜀江勃涌孤孫淚閩海噫嗟列祖靈  
徒跣何年扶舁返大書岡表鎮梅亭

酸風淒籟助哀鳴伏地偕來兩弟兄求仕名微寧足報  
戀恩痛切欲無生望雲舊夢縣江閣過雨殘陽下錦城  
莫更角聲愴邊郡中原正有夕烽明

杜公艸堂

童稚娛嬉地茲來夢寐經叢篁幽曲徑溪水靜疎亭詩  
卷堂堂在兵塵惻惻冥蕭森鳴萬籟如爲泣精靈

展拜偕羣季疲兵列隊呼琕戈橫落日晝碣冷平蕪天

地哀吟久江湖客路孤平生念縱迹灑泣獨踟躕

抵井研

莫烟危磴隱山城騰蹕欣看弱妹迎萬里歸來人已倦  
十年飄轉意難平川原寂寂餘歌嘯親故茫茫幾死生  
隱痛高堂嗟未釋夜闌杯酒淚縱橫

間關歸娶意何爲白髮衰親寤寐思抑鬱萬言艱一吐  
荒唐末劫了千悲梧桐別殿沉冥憶蘭蕙當階掩抑姿  
猶有十年殘夢在華鐙悄影紫琉璃

呈季平先生

孔壁金絲舊玄文玉牒新王皇攷今古大小界天人衛

退

道心逾壯陳經義漸申黃圖開一統儒術不無神  
六譯推蕃變羣言恣闢通孤思接黃帝師說闡雷公莽  
蕩天無外荒茫日在東閔儒元氣實好爲孕鴻濛  
情天真易老白首看如新吉語能吾錫孤生氣益振攤  
書經術大接坐酒杯親微意吾能識看傳火盡薪  
期期看語笑炯炯湛神明聖解天能牖高名世孰京神  
臯猶板蕩至道豈虧盈抱獨窮年老丘軻自送迎

上芸子先生

絕代轡軒揚子雲黃冠老去欲離羣舊聞齊整歸方乘  
新徑荒茫闢典墳落落故交公尙在騰騰異說世彌紛

正宗微學如當振才薄猶堪張一軍

薊蜀烽烟橫萬里倉黃省覲一歸來  
賸從耆舊論文獻猶有詩歌託怨哀  
瓊島幾回纏夢寐艸堂一望入蒿萊  
秋高便叱孤舟起重向中原問伯才

上堯生先生

人生廣結交氣當籠宇宙會合苦難并  
時地每相囿吾生嗟漸壯所學固未就  
惟此向道心責在敢自宥生長錦官城  
才弱齒復幼十七武陽居未祛聞見陋  
弱冠幼學年京華人文藪負笈遂北行  
所期接尊宿斯文桐城學淵源得親受  
嶷嶷番禺公遇我良獨厚吾鄉石遺翁

退

西江昫谷叟文字相過從反復極討究抵掌論蜀賢屈指每公首多冠諫諍姿實欲觸昏瞽運去拂衣歸淒然感朱味餘事肆譎詩警痛鬱深秀道途阻且脩極思艱一覲翻恨昔鄰邑竟闕侍左右神京豺虎橫郊原麒麟門一官猶落拓變起甯能揅况我白髮親念我貌加瘦十年歸一省何只爲婚媾時危念每摧秋來行復驟平生願見誠急起吾敢后烏乎吾先妣畢世艱辛邁言遭先君喪自剄幾絕脰神迷志逾堅遇寒節彌茂卅年忽告終萬里未歸匱釋服始歸奠終天獨心疚仰惟先生筆鸞皇出金奏碑板照四裔求者相輻輳吾聞蓋代筆

非可財賄購節義動地天奮筆始一構意氣萬夫雄文  
字千古壽執贄一詩先倘復指其謬

發井研途中雜詩

輿夫奮步行客程每苦緩甯知行逾迅去親乃益遠荒  
荒百里程起伏環疊巘攜婦復挈弟羣書爲之伴方吾  
辭親時城郭幾微辨含痛遂登輿忍淚常在眼如何彼  
穹蒼翻作雨濛濛天低日易昏道滑行益蹇而彼輿者  
徒流汗敢辭喘回頭望吾親念我腸百轉某山復某巘  
某水復某阪感此風雨急掩面應餘泣烏乎骨肉恩萬  
里詎能限遠行苦饑驅南北忽分散逐逐步層巒惻惻



况

痛兵燹世難誰復抹行矣吾知勉  
廿日下犍爲廿一過戎州吾家似愚子款我意至周飽  
我青精飯宅我以危樓日夕復我語指點風物幽濤聲  
叫秋江塔影蘸橫流遲舶久未至駕言偕我游脩篁夾  
複岸羅列山花稠一角山谷祠乃在山之陬危石聳崔  
巍勢若蟠龍虯裂罅盤磴道漸進若可揉峭厓恣睥睨  
斷句窮冥搜曲水浮羽觴詠歌堪夷猶斷瀑流淙淙諸  
峯蒼然浮奈何橫兵氣愁雲彌九州烏乎大千震變滅  
本浮漚羣兒恣私鬥瞬息還見收恭維夫子操高絕無  
與儔孝友百世宗詩筆窮雕鏤千載仰遺風每於文字

求何意戎荒間復此遺蹟留極望徒增悲長謠詎盡憂  
擲筆且歸休置身將何謀

我心日以西我行日以東維舟發字水翩然凌長風江  
水何滔滔瞬息失諸峯諸峯有時盡吾意何能窮計程  
二千里二日猶從容如何次涪水兵氣塞玄穹持戟三  
千士列隊來相從荷戈相交衛隙地艱一通夜半互叫  
罵雜以濤聲洶凌晨爭渡去毛瑟復隆隆惟時吾偕弟  
俯仰艱鞠躬呼飯甌已空轉顧鉞交胸雄談高中士出  
語真由衷平時楊將軍遇我若微蟲事發起征調譽我  
若羆熊塗我肝腦去博彼名位崇權勢日尊貴蒼赤罹

退

况

荒凶此曹擬優倡君視當勿同指點高家店山勢何葱  
龍妖兵迫官租奮起帕首紅號召勢益大屢剿嗟無功  
吾儕征調去所願誠亦宏生死誰復知疾隱真當通吾  
聞天下定游食咸歸農商旅得所歸安從歌天工世亂  
競爭奪百里遽傳烽厚斂恣重征一飯不得傭事急挺  
走險健者斯爲雄雲合遂霧集崩潰艱彌縫書生袖手  
來四海聊寄蹤斧柯不我假何以起疲癯書罷仰天歎  
烟江月空濛  
鷗輪鼓急浪沉冥天地昏絕壁截高江巍然立夔門蒼  
頑擬積鐵罅蒸雲氣奔石根裂驚浪劈若斧鑿痕想見

開闢初蟠結塞厚坤源出昆侖墟厥勢若建瓴苟惟恣  
一洩汪洋失湘沅屈折爲頓束水迴諸峯屯危灘枕江  
心與水相吐吞時於風濤中間作雷霆喧險哉瀕瀕堆  
惻然驚心魂猗歟吾先祖昔歲茲邑尊世易人已非所  
餘遺愛存烏乎阿姨氏吾母之同根於是生吾婦舊事  
難具論回首望灤西草堂聳丹垣畢生希杜公真愧審  
言孫何當執大鈞潛淵鼓蛟鼉竭水斬巫祁一洗千歲  
冤沉沉天宇晦兀兀塵劫溫烟爨掠巫峯凝對終何言

登平都山

釋舟平躡萬山尖遊子光陰畏久淹妖霧危灘迷近郭

况

雲車鬼馬俯頽簷爛柯一局仙終渺玄扃千年事至嚴  
滿載夫容問江水沉淪誰與試鍼砭

抵金陵

碧炬白堊見新  
愁雲落日西寒雨積陰泥滑滑

野塘蕪草萎  
泊嗟初倦虎羅龍踏室更迷

獨夜孤衾幾  
旅夢更堪聽鴉鳴隔鄰啼

旅舍

曉曉涼生  
曉霜長推  
獨醒身起倚危闌人情似

何處新  
屋簷斜  
暈木  
或孤笑商略

已離神

一  
 二  
 三  
 四  
 五  
 六  
 七  
 八  
 九  
 十  
 十一  
 十二  
 十三  
 十四  
 十五  
 十六  
 十七  
 十八  
 十九  
 二十  
 二十一  
 二十二  
 二十三  
 二十四  
 二十五  
 二十六  
 二十七  
 二十八  
 二十九  
 三十  
 三十一  
 三十二  
 三十三  
 三十四  
 三十五  
 三十六  
 三十七  
 三十八  
 三十九  
 四十  
 四十一  
 四十二  
 四十三  
 四十四  
 四十五  
 四十六  
 四十七  
 四十八  
 四十九  
 五十  
 五十一  
 五十二  
 五十三  
 五十四  
 五十五  
 五十六  
 五十七  
 五十八  
 五十九  
 六十  
 六十一  
 六十二  
 六十三  
 六十四  
 六十五  
 六十六  
 六十七  
 六十八  
 六十九  
 七十  
 七十一  
 七十二  
 七十三  
 七十四  
 七十五  
 七十六  
 七十七  
 七十八  
 七十九  
 八十  
 八十一  
 八十二  
 八十三  
 八十四  
 八十五  
 八十六  
 八十七  
 八十八  
 八十九  
 九十  
 九十一  
 九十二  
 九十三  
 九十四  
 九十五  
 九十六  
 九十七  
 九十八  
 九十九  
 一百

温

成

心

四

中

四

况

涵負樓詩卷弟五

如恐文章大天海一髮何嘗測閩侯曾克端言詞雷震

京對抵金陵

碧垣白堊見新題慘澹愁雲落日西寒雨積陰泥滑滑

野塘蕪道草萋萋鷺鷥飄鳳泊嗟初倦虎踞龍蟠望更迷

獨夜孤衾艱旅夢更堪鷓鴣隔鄰啼

旅舍

亂鴉凍雀噪霜辰推枕驚看獨醒身起倚危闌人悄悄

却尋斷夢影塵塵料量末劫成孤笑商略微懷恥衆擧

乞食南來成底事眼中姬孔已難神

石子岡

石子岡頭草沒陁却尋紋石上方亭日沈遠浦團雲紫  
天著浮嵐幻嶺青勿勿六朝成夢寐荒荒九土閱精靈  
疲驢緩策歌呼返林際初翻一兩星

用老杜送孔巢父均送迪下南歸

騷人不樂幽并住凌風去踏神山霧歸從新國詠湖山  
行指故鄉覓江樹寒波翻白斷烟橫落日澄黃遠天暮  
危樓一角指臺城極目蒼茫認歸路酒杯閱世剩高歌  
政恐文章失正故一髮何當縣地天萬事真看隨電露  
石遺老子神有餘羣書鄉乘親菟除白下羈棲獨我念

溫



渴來兩發閩江書君手斯篇乞揚摧問我詩境今誰如  
末世 次均迪 尸豁蒙樓

朔氣荒荒孕積陰寒烟漠漠帶疏林蕪城自鬱巍我態  
落日聊爲怨亂吟流轉九州吾視爾低徊六代古猶今  
不須更作鷓鴣嘯旅雁南來有變音  
城郭依微白下山孤飛看汝海東還清遊盡日終疑暫  
結習吾曹詎易刪寒吹千林聲別恨殘陽一道影酡顏  
何年一櫂江鄉去夜雨聞歌九曲灣

掃葉樓

掃葉人長往孤縱未易方六州猶慘黷一徑暫清涼入

夢雲山遠開門草樹荒茫然復何念揮淚對蒼茫  
春風蘇萬象獨客上高樓反復六朝夢茫茫萬古愁諸  
峯沈日暮遠水接天流極目神州大哀笳未可收

飄零

飄零四海一羈人惆悵春風白下塵歷劫文章淪敝屣  
憂時身世付勞薪聖邱於世終成往神禹生今亦豈神  
獨有不貪真賞在夜闌望氣識金銀

己巳元日三十初度

末劫荒荒歷卅齡危途落落倚孤醒薊門煙樹纏魂紫  
蜀峽溪山挂夢青何地孔顏論氣類各天揚馬鬱精靈

温

明霞一角蒼茫裏誰分吳江著客星  
縣門弧矢憶年時宛馬西來萬騎馳  
兒戲何堪思宿昔飄飛無那任狂癡  
藏山志業囊螢笑賃廡生涯幕燕知  
猶有毗邪緣會在人天枕席經過師  
不成淪謫喪吾真牛斗生今抑豈神  
白日沉沉天此醉赤灑爛爛爾何人  
填胸憂樂千家夢過眼欵歎六代春  
危局置棋誇國手可能長靖海東塵  
白下諸峯待几筵萬波搖碧一波前  
高堂白髮無窮思幕府青衫最少年  
化裏鯤蠃忘小大劫殘猿鶴泯愚賢  
行歌縱酒真吾事呵壁何須更問天

李清軒招同曹欽於鼓樓飯店劉蕙農作長歌次

均和之

荒荒密雪壓天白列座高樓圍主客酣歌一曲秣陵春  
滿坐咨嗟動顏色問子嘔心受誰賞逸情自託雲天上  
絕憐嘔嘔項王仁印做摩挲猶在掌衣被長安要布裘  
江山綺麗誰葺脩冰絲自作鮫人泣雲錦合待天孫收  
平生寄意在寥廓塵海驚濤愁立腳沈陸何當挽萬牛  
摩天故應橫一鶚幕府沉沉見君好豈謂詩書遂枯槁  
能從文字契吾真翻自昔遊憶諸老石遺老子叔伊人  
中鵠自擁匹園萬竿竹枝柯蔚起拂雲霄戛擊鳴湍瀉

溫

况

哀玉青眼高歌羅國士相知何必皆同里十年坐我春

風中低頭獨拜吳夫子先生北江薦舉孰饒古風者新建揚

翁先生明谷桐城馬先生故文侃侃變色抵掌爭義憤填膺自傾

瀉葉侯先生還庵處醉能獨醒鄭公先生詔覺老去氣逾靜道揚

先路會書車記拔微生脫囊穎龍門浪高許騰躍相勗

千秋未爲薄汾陽太保先生菴吾世親酬我詩篇未零落

嗟予攜嬾三峽來茫茫六代噓寒灰一哀忽聞南郭喪

驚心忍向黃金臺閩江縹緲橫落日蜀山突兀騰烟霾

蒼生冤憤痛未已吾曹乞食詎當哀清夜高歌須縱酒

轉眼風烟恐分手何時偕探鄧尉梅它年應憶白門柳

身世飄飛莫自憐  
世間萬事本塵烟  
何當一棹荒江去  
覓夢空山不記年

次均會衆難

居環白下山夢繞蜀江水  
急峽截高江絕戀雄奇美弱  
齡始北遊冥漲孤舟起  
層層峯影連轉轉鸞輪駛  
十載舊京還宦味飽游子烏乎橫流  
裊激盪未可已關塞莽  
空闊交游幾生死夫子綜道術  
所學非口耳神思闢玄  
扃高視洞萬里詩歌出餘技  
隱秀世無比三復願執鞭  
何只刮目視

衆難贈詩次均奉會

退

文章有道交有神嗟公遽乃識吾真詩家前輩看漸老  
甯知世變今翻新語體時流競變古飄忽去若風中塵  
出舊入新矜剏格公詩妙乃非常人勤持此意屢詔我  
一笑斗室回溫春吁嗟詩好竟安用白甫甯救當時貧

論詩一首畬衆難

孤抱吾曹寄何許箝結甯能恣汝語  
呼聊與共嬉酣  
比似雞鳴動風雨眼中流輩多能詩  
十九句摹求字似  
模成甫白縱萬千后有萬年甯須此  
新學小生極縱肆  
絕惜問學僅口耳煥鄙復爲耆宿嗤  
詠歎無復聲音美  
交譏交喪詩恐亡一綫垂絕險莫比  
誰歟發憤匯舊新

異境獨開絕傍倚盡搜萬態入肝腸一掃陳言屏爪觜  
子才橫絕吾所畏說詩意態今無二出今入古洞淵微  
紛紛流俗甯解是我迫官事鮮爲詩獨絃哀歌聊自憇  
不廢江河非所當一笑雲龍或共子

涼夢

涼夢初回倦眼橫孤鐙殘夜耿猶明愁心萬轉渾無着  
忍亂霜天曉角聲

題金陵

六代荒涼指故都一時騰蹕盛朋徒碧垣白堊題標大  
赤縣黃圖洗劫無驚浪南溟翻百粵邊氛北徼警強胡

溫



書生發憤真何策淚眼乾坤一艸廬

晚寒

吹雪江風釀暮寒沈沈鍾阜忍迴看  
兵塵蓋地揚諸將生事彌天託一官  
薄廩忍教重剝削陳編終擬發叢殘  
勞勞萬念灰難盡吐咤寒空獨倚闌

雪會衆難

玉戲荒唐逞異觀驚枝凍雀未棲安  
重衾半枕迴殘夢被褐三年足曉寒  
堆眼官書人易倦纏胸鄉思夢初闌  
巡檐索笑吾甯后一曲陽春和獨難

論詩會衆難

詩思通幽顯高談出性情精微真可說哀怨苦難平舉  
世槐安夢餘生蓬累行文章芻狗賤更忍計時名

雪

雲影低迷樹泥痕淺沒苔吾儕標冷抱天意厲羣材殘  
局翻翻變行歌念念哀江城寒吹急兵甲漫相催

不寐

殘夢渾難續孤鐙耿自明苦甘參茗味往復亂鐘聲勿  
勿卅年往騰騰億念橫江城沉睡裏獨醒欲何成

野曠

野曠雲荒暮雨哀霧迷塵暗夕烽迴屠龍身手傷儒服

逐鹿功名付盜魁  
客裏齏鹽幾饑飽  
歲闌風物一低徊  
江南歷劫行吟地  
莫負垂垂屋角梅

密樹

密樹沈冥合驅車  
向小園雙鐙明電石  
一徑轉膠輪歲  
瘠窮黎賤宵寒吠犬尊  
殘年溫飽意行迹未須論

邊塵

邊塵直北動哀笳  
鼓角中原日又斜  
被髮請纓兩無似  
強持眼淚看黃花

彌天

彌天又見劫塵飛  
兜率華胥底處歸  
官事白門句當了

歸來自驗菜根肥

次均孫仲瑛雪

佳篇與佳友氣味共清冽發興孫興公高詠江南雪諸  
峯失遙青寥天作慘白旁皇中山道迴望迷車轍巢林  
鴉已噤厝伎木將折大宇入沉冥白日嗟一跌得勿大  
江凝翻愁鍾阜裂萬家啼寒饑此意吾獨切援手苦無  
方歎息腸內熱嗟子來何方參辟共江國氣味互和調  
譬若鼎與鬲一室恣嘯歌何用日造謁儒術賤益微世  
網膠愈結得酒且放歌至味無敗滅

贈胡小石

温

散髮匡牀坐脩門帶薜蘿詩聲走江表孤夢落巖阿大  
運龍麟遠邊城虎豹多扁舟向三峽發興定如何

寒積簷頭雪低垂屋角雲生涯縣絳帳心事託玄文世  
降才甯屈談深意漸醺高歌搖獨夢好與斷知聞

雨窗官齋有述

江天如晦暮雲流龍象高居鎮一樓三月鶯花沈雨夢  
萬方笳管迸春愁微文詎合諛生死孤抱猶堪劑樂憂  
黃綬陸沈應記取可教空白少年頭

次均會衆難

倦倚危闌往復情悄看斜日下江城浮天花氣迷深淺

向夕山光弄晦明義士誰呼東海客纖兒又弄朔方兵  
乾坤震盪尋常見牛蠋區區倘未驚

寄北江師遼甯兼懷障川

關河牢落一哀同南朔相望感異蹤寂寂處堂猶燕雀  
騰騰起陸又蛇龍官書塵土神纏委別思江波夢涌洶  
絕憶幼安遼海上高歌獨與泣黃農

沈沈劫燒萬帝痕廣廈春風道自溫冰玉光精橫海角  
雲雷噓翕極天門驚飈絕塞鷹鷂疾落日中原翹翹尊  
洗甲傾河孤淚在憑誰疏決盪千村

端午攜妻兒遊靈谷寺牡丹謝矣

溫

兵氣黃塵塞九垓疎林蕭寺一徘徊  
法雲縹緲諸天靜落日茫茫萬影哀  
健鷗巢縣遺構古游蜂夢戀好花開  
江山易世吾親見何用僧窗話劫灰  
江表榴花未解顰浴蘭佳日復茲辰  
妻孥提挈足歡笑節物推排有故新  
華表崇陵看赫赫敝車羸馬走踈踈  
冥鴻夢逐層霄外不向人間泣鳳麟

還庵先生出示寓俞恪士故宅懷散原先生詩次  
均奉呈

溪光花氣護樓臺文藻江山迹未灰  
斷夢人天孤鶴迴殘陽城郭萬鴉哀  
烟塵北極看初上金粉南朝喚不回

袖手危闌餘獨喟沈沈孤抱幾曾開

攜妻兒遊雨花臺午飯粵庖攝景而歸

新翠迎初日山光接座纔乳花霏霧露石氣隱瓊瑰市

遠囂仍甚歌殘夢更哀微吟餘潑茗雁鷺莫相猜

山郭驅車返借登太白樓嬌兒足酣睡珍味恣冥搜照

影形神合臨風語笑稠何年賦借隱種菜與忘憂

暑夜

白下炎蒸毒熱新坐涼庭院一羈人九霄涼霧沉沉氣

一曲鄰譟靡靡聲揮扇猶難安喘息荷戈孰與訴悲辛

絕憐阿母瑤池宴尙倚諸天散劫塵

温



移居

菜園艱爲別先生移宅初居停增戀戀家具理徐徐心  
事淵龍默生涯幕燕居宵深寒雨急一整線裝書

夜坐

遙夜人天感蒼茫數列星微涼霜氣白孤味電鎧青黨  
論知何極兵氛苦未停十年游賞地飛夢入江亭

六朝金粉地歷劫幾蟲沙髡柳行行樹高荷默默花蛙  
聲喧野水鴉陣警殘霞賸欲扁舟逝蒼波未可賒

一歎艱危際扶持要有人荏苒猶盜竊樗櫟亦經綸醉  
夢沈天帝勞歌遞僕臣橫縱成底事愁顧九方歎

善為天帝也

一 遊樂之

六 降金

儀

善

善

齊坐

善

善

善

温

涵負樓詩卷弟六

閩侯曾克端

玄武湖

山圍島峙水滌洄  
潮打孤城寂寞回  
花影映波俱綽約  
嵐光插漢益崔巍  
殘陽一角蝸蟻闕  
單舸重來燕鷺猜  
六代興亡看已了  
不須廢壘始生哀

同克熙泛舟秦淮

一水秦淮粉黛香  
沈沈歌管鬧殘陽  
扁舟載夢知何住  
儘受南朝一味涼

梅和衆難

萬態橫斜入笑顰瓊姿一代眼中人孤芳雪際蕭寥意  
絕豔風前綽約身惆悵朱顏春正半啁啾翠羽夢初親

仙山香雪看成海絕笑楊花悄拂茵  
瓊闕高寒星作堆疎枝冷蕊抱春開沈沈密雪留香住  
落落空山照影來迴睇人間千劫過凌波月下衆仙陪

瑤琴玉瑟無窮怨莫撫焦桐誚不材

索笑巡檐覓墜歡華鐙疎影擁杯看嬌雲墮砌垂垂豔  
微雨侵簾惻惻寒密意重溫飛魄苦戰塵孤傍作癡難

斷鐘曉角銷魂地夢入羅浮枕簟安

縞袂雲裳豔國花雨肥紅綻粲流霞荒茫野水橫孤抱

寂歷春風散萬家絕世佳人倚修竹仙遊小夢飯胡麻  
錦城走馬年時事慚向江南拂鬢華

滬行雜詩

亂世求官事可哀升沈百變更堪哈登車半夕牢愁語  
已夠吾曹感喟來

星眸開闔態離披語寂人欹月漸移底事先生太癡絕  
自揩倦眼與哦詩

春風曾此小勾留終欠靈巖十里舟豈意月明如水夜  
又攜殘夢過蘇州

疾風震電太猖狂身世憂危詎可當啜粥石林齋裏話

却從塵海暫清涼

詞家勝代萃如雲崛起誰堪張異軍絕嘆遐庵老居士

鈎稽排比太辛勤

征塵乍拂一餐過俚曲偏教檢均和文字鬼神雙棄物

何勞誦禱日婆娑

密遞私刊意已微吠堯詈桀是邪非羣言淆亂吾知擇

愁見中原羽檄飛

層樓天半稱幽棲宿霧籠雲入望迷夾道梧桐垂蔭大

移根也自法蘭西

鐙影騰騰沉宿霧車聲逐逐走奔霆蒸虹海氣三千丈

溫

夜夜歌呼幻百靈

別我申江一歲餘  
蜂衙鴿舍暫樓居  
朋交訪却驅車返  
新月還堪映讀書

插雲鬢舍鬱嵯峨  
望裏真如一瞥過  
高密十年辛苦地  
可能餓死換高歌

圓領星文障袖單  
齊眉短髮拂鬢鬢  
晶窗鎮日奔車裏  
漾我微波一種愁

自將玳篔自梳頭  
瞳翦吳江一抹秋  
微雨聲中人自去  
獨留孤憶落瓜州

稻雲瞥眼碧如茵  
遠樹層巒繞逐頻  
好景江南留不住

可知轉轂有飈輪  
奔車飽吸滬江塵  
迷眼豪華氣逼人  
莫笑白門太蕭瑟  
雨餘山翠望彌親  
可能酣戲似平時  
小極偏勞寤寐思  
買得搖車飛馭返  
要將恩物慰嬌兒

贈調父

雙棲海燕玳梁居  
一舸鷗波漾霧裾  
活國神方浮海乞  
照人玉貌過江初  
新詞梅苑行行豔  
斷夢蘭樓默默歔  
莫復一官歎匏繫  
南來清福孰君如

小園



小園叢樹稱幽居睡足南窗笑曳裾雲影澄潭禪定際  
霜華窺枕夢迴初十年湖海餘飄蕩一臥江關了數獻  
賣賦長門成底事更堪才力不相如  
視遐庵先生疾次前均

逐逐奔車半日居輜塵一道點征裾神馳欲挾颺輪起  
魂震驚傳電語初凋瘵乾坤誰拯活譟呼江海獨欷歔  
漸空結習無言說示疾維摩意倘如

中秋世界影戲院觀璇宮豔史電影賦三絕句

荒園霧影弄淒清馳道寒鐙映馬蹄海國霓裳成絕調  
賸從銀幕認嬌啼

曾侍雲鬟北海隈  
待乘冰霧幾時來  
嬋娟自媚無窮世  
羞影江南劫后灰  
窺簾窈窕意相關  
夢逐瓊樓杳靄間  
一笑真教迴萬劫  
白頭吾欲老鍾山

讀秋岳釋戡中秋倡和詩因次其均

沉沉冰霧浸人間  
江波無際江月閑  
璇宮霓裳響欲歇  
銀幕悄護歌聲寒  
杯酒江南足歡喜  
清影娟娟呼不起  
嬋娟咫尺隔秋烟  
廣寒一夢艱如此  
桂花墜露弄蕭寥  
殘夜荒園佇玉宵  
淺笑迴眸思愁絕  
液池夢戀霜華潔

閔兒周晬詩

溫

昭昭揭日月赫赫披覆蓋墮地汝何遲迺與亂離會亂  
離亦何常萬方苦顛沛援拯苟無人皇天復奚賴咳汝  
名汝閔所願籠無外閔乎奮所期獨立乾坤大

世論尙物競演存貴優秀異族日侵凌憊矣黃農胄吾  
宗出武城孝德彌宇宙閩遷五百載詩書實世守仁厚  
植本根隱德難悉究祖澤試追維遺汝固己富

猗汝曾大父精魄實強毅一官走蜀西獨挾詩書氣嘗  
言我獨清不達非所愆庶幾起后人爲醇醺萬類我劣  
不足承念此每歎欷奮迹獨汝期何只爲顯貴

名教卑世桔節烈動天魄吁嗟汝大母刎頸噴血赤卅

年瞽神智志實貫金石食報亦何言述德孫子責裸逐  
而獸嬉敝俗吾知闢揚芬拒諛詞奮筆期汝亦

少小實孤孽日與艱危門事父事繼母愉愉忍訶詬神  
鬼啼在旁劓臂方父抃再割飲阿母霍然已宿疾至誠  
所感孚流俗詫天佑言懷汝母德蔭汝千萬壽

生事日苦艱娶嬾每苦早獲汝婚方期玉雪欣在抱方  
吾始生時吾祖賦詩好卅年及汝生汝祖那弗老繇茲  
慈孝意萬世遞相保非孝世爭傳斯意倘未考

我還自燕都剛氣相倚伏證婚來井研

季平先生

海內禮尊

宿八月我東征汝孕實母腹騰踔萬里波滬瀆爲頓束

溫

三峽勢雄奇吳楚氣清淑翁受山川精它日見蘊蓄

虎踞而龍蟠長江流浩浩建業實雄都蒼然氣迴抱已

已石橋居維望清和好日不乃祖踰

先祖四月九日疑

然在文襟地以哲人名立名可不早眼中江表雄卑卑  
何足道

立名終何祥身心厚所植聲聞苟過情謗毀在汝側吾  
聞古真人抱一天下式聲施濟無外退處凜以默赤燦  
方扇氛凶燄迷八極手拯橫流還懷哉慎立德

世士誇戰伐功烈每相矜焉知一將功萬族怨騰蒸制  
作濟天下自視猶兢兢但期利民物一藝皆可稱俗濟

崇高勳忘返誰爲懲大呼震世曠汝其裕九能  
文定列入家高名世所醺文正挺勝清餘子掃紛紛我  
拙與世疎獨夢追皇墳才力知不勝終思起異軍談遷  
與彪固世業何芳芬高躅真可追速起宏吾文  
汝生擬爲詩夙願久未償忽值汝周歲啐盤置在堂提  
劍復操幣筆印繼取將顧盼極雄酣拜跪尤知方汝智  
日以開汝壽日以昌期勗意無窮歡歎成斯章

寄濬川障川遼甯

落木江城莽四圍歌呼氣類眼中稀勞勞短札消長晝  
望望高樓倚夕暉一慨海天餘浩漫十年山斗極瞻依

温

平津不作原嘗逝，豪筆吾曹何處歸。  
華年燕市酣嬉侶，窮塞遼東句讀師。  
有頰拋書工作饌，背人據案與論詩。  
鼎犀鑄象虞初志，兵馬騰鷹杜老詞。  
北海聲名子潘子，可無玉臂憶寒時。

題王調父猛悔樓詩

姑射天人絕世姿，玉京孤夢寫靈詞。  
碧函丹篆神仙字，此意人間那得知。  
長吉飛卿骨作塵，王郎竊思久通神。  
區區蕭寺秋泥句，夠掃樊山一輩人。

覺林聽持松法師講密宗

樹影沈沈摩挲飛寒宵孤月夢依稀覺林坐接祇園會  
印取西來祕密歸

長記嬋娟一睽恩

悄弄嬌嬰獨倚門斜飛短髮鎖烟痕通詞自有微波在

雨夕王調父招同孫仲瑛會飲縱論宦况感慨系

之歸途爲兒子購果餌而所攜伏敵海藏詩卷

墜地盡污寒宵無寐占長句簡調父兼示仲瑛

馭電華鐙照座涼酒兵嚴夜破吳霜登場粉墨羣兒戲

列俎殺羞一笑嘗車下泥塗辱文字夢中歌哭蹈猖狂

溫



江天雲霧看能隱可奈光芒未易藏  
商郊風隰人誰在  
吳國趨府疊前均  
事斷高橋  
衣帶露  
底  
葵  
黃  
農  
宿  
下  
食  
巾車敝褐犯微涼  
初日荒茫菜甲霜  
獨夢搖搖追管葛  
高歌落落望原嘗  
聲華闕寂家雞泣  
議論張皇國狗狂  
殘劫江山痕慘淡  
可能窮髮敏行藏  
問天何如  
幾  
許  
丑  
如  
調甫和章久不至  
詩以促之二  
疊均  
雲  
樹  
亂  
亂  
對  
華月虛廊走夜涼  
芙蓉孤劍拂新霜  
江天鴻鵠鳴相應  
海國蛟螭醢獨嘗  
饑飽有時供謔諷  
醉醒無計避顛狂  
南來袖底清哀筆  
莫共春風久鬱藏  
真  
誠  
魚  
請  
風  
雨  
丑

題鄭守堪丈篋灰鞭影圖三疊均

哀音淒厲氣蒼涼高節棱棱門雪霜遺簡摧燒灰未燼  
卷旆辛苦味都嘗一鞭騏驥雲霄疾萬撼魚龍風雨狂  
倫紀漸漓文字賤篋中阡表試深藏

華民寄畬劉蕙農遼甯四疊均

叫雁南飛掠夢涼新詞玉屑點清霜秣陵雲樹層層憶  
榆塞風沙歷歷嘗避地從容開草昧問天呵叱發佯狂  
孤光藜杖分明在好爲遺經啟祕藏

中車寄稚鶴孔才伯騰障川同門諸子五疊均

長河落日角聲涼尊酒高歌夜帶霜孤夢黃農甯可覓  
微言姬孔試偕嘗依違塵劫艱悲笑商略風期入猖狂

溫

隱霧豹文休歎喟伏龍雛鳳要潛藏

題靳仲雲游金焦詩后六疊均

江介詩聲散夕涼春風單舸吐嚴霜山光北固真能繪  
泉味中泠可備嘗蠻語參軍詞憤慨罪言供奉思清狂  
天根月窟躬探索異境何當與發藏

感述七疊均

接坐人天萬籟涼據梧噫氣翕飛霜容身木雁知何擇  
戀味莼鱸苦未嘗夢底星辰魂魄警鬢邊江海嘯歌狂  
陸沉黃綬吾寧惜閑煞名山宛委藏

寄昀谷先生八疊均

沈沈佛火鬱孤涼明鏡摩挲認鬢霜故里赤牒纏夢寐  
空山黃獨恣咀嘗羣昏馳驟鸞皇老正法消沈龍象狂  
飄雨萬花供作偈看能真境剖天藏

上遐庵先生九疊均

海山兜率夢清涼文室呻吟月隊霜佛說諸天成默憶  
神方異域記新嘗高居一往泯哀樂微抱千年劑聖狂  
溟渤鯨魚看跋浪眼中龍德自淵藏

零亂

零亂疏鐙隔霧青光霞影弄冥冥車聲漸近人初定  
殘夢黃梁可要醒

溫

黃公渚悼亡詩以唁之十疊均

海波無際送初涼  
香冷虛幃瓦有霜  
仙闕蓬山人已杳  
寒鐙孤枕味初嘗  
華年落葉哀蟬怨  
斷夢湘絃赤鯉狂  
揮手人天莫惆悵  
塵骸萬古一邱藏

莫貳官齋有述十一疊均

明漪翻碧盪疎涼  
天際羣峯戴曉霜  
膠漆舊盟千劫在  
虀鹽拙分一哀嘗  
枯槐聚蟻看羣鬩  
絕壑曾蛟有獨狂  
百鍊干將成繞指  
更無劍匣與深藏

贈黃君坦十二疊均

照乘隋珠掠夢涼  
齊州九點雜煙霜  
川原寂寂哀吟入

風露娟娟旅鬢嘗枯樹曾傳開府賦窮途誰識步兵狂  
世兒買櫝方誇說光氣真當慎韞藏

其武來十三疊均

層軒促膝坐宵涼遙認吳天一夜霜花氣纏魂飛劍逐  
江光浮淥引杯嘗碧波照夢翻鯨鱗白日沉陰走獠狂  
莫漫吳鉤含笑指躊躇試與善刀藏

園居大雪十四疊均

荒園暝合朔風涼歷落虬枝綴玉霜隱几江梅寒蕊大  
堆盤春韭露根嘗寄身隴畝聊堪隱被髮江湖亦太狂  
萬象蕭森天地閉孤羸蹲坐獨蟠藏

溫

食鰕魚感念 先大母作十五疊均

報劉孤痛劇淒涼廿載童孫鬢漸霜承養雞豚嗟未逮  
佐餐魚膾忍重嘗閩山雲擁神靈遠蜀水波張寇盜狂  
夢裏松楸看在眼何年馬鬣與封藏

青溪詩社十六疊均

賭唱旗亭暮雨涼奔車摩托碾瑤霜欲張銅鉢敲詩興  
試指銀瓶索酒嘗裁對真難誇巧勝謔嘲聊與發疏狂  
寒山夢續鐘聲裏膳割瑤華衍篋藏

書家書后十七疊均

飛書雁鷺挾新涼氣接巴吳萬里霜瘡補肉剜成末策

薺甘茶苦入孤嘗家貧遊子真難役世降窮儒詎敢狂  
 羈絆一官容可了賣漿屠沽亦堪藏

泰山英氣壯  
在靈巖下

...

...

...

...

...

...

...

溫



涵負樓詩卷第七

閩侯曾克耑

聞伯鷹被囚苦憶成詩用其遊萬泉河均

建業距幽都淒迷萬里霧電語忽驚傳魂魄幾飛去世  
路莽荆榛艱難窘天步鑄象窮鼎犀萬怪鬱高怒豈伊  
拏虎鬚形容太刻露胡爲緹騎索欲辯口已呿九關蹲  
虎豹牙角森可怖孤鳳看在狡衆狙期一悟憶昔舊京  
遊看花曾共御孤塔湧玉泉攀登幾亡屢振翼俯入荒  
鳳鸞恣翔翥事會一朝新江湖各浮瓠卑棲託鷓鴣家  
國非所預挂眼六朝山聊得清曠趣君乃苦念我橫江

竟兩度荷風玄武波翔鷗夙歎慕歷劫鬱金堂一水莫  
愁據牧童導我游暝途指不悞石馬臥殘陽黯黯孝陵  
路萬感了暫歡倉皇遂北渡騰驤萬里姿屈抑何當吐  
俯首服轅車嘶鳴絕淒楚丈夫生季世何物爲建樹高  
明鬼所瞰頭顱誰能顧窮北送傳車皎然寧改素去雁  
久不還暫蟄倘亦數懸夢望遼東蒼茫不知處  
同寄塵觀歷史博物館魯豫發掘古物疊前均  
晉儒談三代迷墮五里霧欲起問古人古人嗟已去蠹  
簡資辨難涇涇守故步天根探無由地靈赫然怒遂令  
古器物一一各發露契文縈可徵淺學口遂呿安陽再

退

欣

度掘偉績足驚怖盛裝列南都要令國人悟李侯夙嗜  
古呼我共叱御喧闐博物館摩肩復叠屨赫赫牛龜文  
翩翩鳳鸞翥奇古邁吉金至寶非康瓠士女恣游觀傾  
城悉來預兒童絕喧嘈寧得鑑古趣十日窮觀摩橫江  
當北渡遙知燕都客延頸方企慕法典巴比倫考古茫  
無據哈摩拉柱出鑿然迹非悞佛蹟迹流衍紛紛指多歧  
路碑發阿育王勝法知所度摩挲足信徵宿疑快傾吐  
燕齊掘將竟次當及吳楚鴟鵂慕寥天鷓鴣巢高樹役  
役塵埃間悲辛賸狂顧所幸三二年居京塵未點素成虧  
恃自力顯晦亦天數何當登昆侖立身聳高處

讀北江先生近詩次風字均爲長句奉呈

陰陽翕闢搏雷風火雲一氣搏當中散爲億千萬星界  
孰爲雌弱孰強雄大地球耳運萬紀海豁陸露陽精紅  
萬木怒生茁羣卉龍奔蛇逐跳羆熊羣生演進人始茁  
初祖紛說源猿公茫昧洪荒渺難紀去如鳥迹過虛空  
巍巍炎黃立人極訪道廣成杏赤松弧矢威力控無外  
北踰沙漠西崆峒冠裳玉帛咸來會赫然萬國歸懽懽  
三代德衰肆征伐瘁矣華夏侵諸戎禮崩樂壞逮周季  
弛張天道艱擎弓彌縫汲汲起魯叟麟傷鳳嘆嗟成翁  
漢師宋儒撥秦燼微言奧旨猶迷濛百官美富窺未得

溫

欣

徒從萬仞瞻牆宮一哀沉沉白日晦千年湊湊江流東  
神功聖德渺矣絕高標誰誇昆侖峯吾師奮起百代下  
彌天箕斗羅心胸淵淵冥契紹文字大聲鏗鎔鳴黃鐘  
平生覺負有鉅任獨持絕學開顛蒙一朝朝市變燕薊  
塵埃禹甸迷重重遼東避地發高詠噴薄盛氣橫霓虹  
玄言已見墜姬孔孤夢獨與追黃農羣飛刺天極擾攘  
唐堯虞舜疇能逢且須放譟極縱酒手畚持鍤鋤蒿蓬  
席天幕地絕縱意螟蛉侍側呼二童豈合縣眼望鄉國  
坐看百劫迴沙蟲萬族眼枯啼見骨昊天冥漠寧能通  
赤氛瀰漫黃霧塞更能衰季興儒宗滄溟跋浪掣巨鯨

雲霄叱御驂飛龍會當乘氣附驥尾橫覽宙合探無窮

登燕子磯放譚懷伯鷹

大江洶涌橫長風山光無際凌空中危磯突兀擬飛燕  
俯仰氣象何瑰雄我來萬象恣吞吐曉日初挂扶桑紅  
巖山斷壁絕奇偉如奔豹象蹲羆熊踞虎蟠龍指形勝  
濟時翻念諸葛公三臺洞深尤險絕曲折磴道盤虛空  
危樓入荒窮睇眄東瞻岱嶽橫雲松春色朔方何浩蕩  
西來佳氣浮崆峒赫赫黃圖麗白日雄都建業看發矇  
九州六合供叱咤談笑氣欲吞羌戎何哉擁兵競雄長  
諸將一室操矛弓纓冠被髮救不得浩歌欲步商山翁

退

扶持大鈞運日月摩揚巨刃開鴻濛龍翔鳳翥衆仙至  
雲璈奏徹蓬萊宮千年瓊樹吐高豔婀娜自媚朱闌東  
帝網因陀見萬界萬花驚涌霧鷲峯雷音天半盪耳目  
法水無際傾肝胸歸來枯坐萬緣寂空山夜雨聞霜鐘  
刹那觀心過萬劫擾擾大地猶塵蒙白骨撐天萬鬼哭  
赤燄吐燄圍重重吾黨安仁富才藻論文吐氣如長虹  
匠心已見運良工異說豈屑宗勞農遼邊傳車忽囚繫  
黃衫俠客應能逢湖海飄零豈有極勞生萬事如轉蓬  
夜闌夢醒感塵役嬉戲翻欲追兒童鬥爭自與鬩牛蠲  
得失何用爭雞蟲但當溪山恣攀歷精神冥與造化通

翕濡浩氣運雄筆高居自作文章宗春和大地百物動  
浩渺入海騰蛇龍東潮西沙互吸引橫流盪激看能窮

聞伯鷹脫囚喜而有作三疊均

夢魂度遼邊夜夜凌烟霧醒覺身在床繼羈未能去騰  
驤江海姿檻穽艱縱步縣命刀俎間生死伺喜怒飛書  
爾何來怨憤稍流露嗟子竟獲全喜極口忘呿翻思在  
囚危驚定爲子怖久蟄信得申夙孽倘有悟羣飛看刺  
天六馬愁失御裳衣方倒置誰爲正冠屨日月自奔馳  
雲霄自翔翥散櫟信可依何事語破瓠嗟君澹蕩人謀  
身豈不預月日肆呵譏或博笑談趣烈烈赤燄焰焚灼



况

痛無度勢脅而利傾達人豈欣慕津沽大拘索若曹何  
所據或證或指之鑿鑿似非誤吁嗟世變亟異說紛歧  
路導鎔得所歸橫流資津渡壓抑故迫摧積憤艱一吐  
潰決不可收終虞肆毒楚驚飈傾危巢衆鳥亂高樹豈  
知鍾儀囚竟逢伯樂顧亂世當慎交君子貴行素戮辱  
與謗攻真當委運數嘔肝馳慰君兼以訊寢處

春物爛盈野湖光遠浮天危樓窮睇眄渾渾大宇圓羣  
公飽憂患南來非播遷舊序看己更珍此被襖筵詩聲  
響應鐘書勢誇奔泉千擾獲一豫至樂誰能傳烏乎典

春物爛盈野湖光遠浮天危樓窮睇眄渾渾大宇圓羣  
公飽憂患南來非播遷舊序看己更珍此被襖筵詩聲  
響應鐘書勢誇奔泉千擾獲一豫至樂誰能傳烏乎典

午亂中原窟腥羶右軍經世抱發憤嗟難宣觀其遺浩  
書所期解倒懸蘭亭念死生孤痛縣千年建業稱雄都  
景運恢無前黃圖麗白日指顧清垓埏安知赤漂怒噓  
毒方騰扇羣帥競操戈萬里橫烽煙淒涼白骨畔灼灼  
山花妍念此不能食登眺意茫然勝集信可欣餘責累  
萬千戮力與蕩漂勛哉江表賢

冒鶴亭屬題沈傳師二徐姜安中攝山題名拓本  
疾齋先生健腰脚尋幽不厭攀藤蘿斷碑遺碣恣獵取  
兀坐斗室千摩挲揭來攝山得遺刻氣高均古光嗟嗟  
掀髯一笑顧謂我似此瑰寶寧能多侍郎工書氣精緊

溫

欣

體兼虞歐何婀娜二徐題名屹相尙儼若玉樹交枝柯  
鄱陽安中宋姜氏亦同慧老來觀摩厥書右行異常勢  
不及楚金理則那到今歷世逾千祀熊熊光氣留巖阿  
吾聞沈書世罕觀羅池一碑真不磨萬金孤本求不易  
遠弼似踏扶桑波常侍舍人工篆籀許學導海推先河  
懸針倒薤互盤屈斯冰弄筆寧能過凡爲文章宜識字  
昌黎古訓垂律科平生學韓有微契亦嘗字體窮隸蝌  
篆真紛綸忽照眼勢與千佛爭巍峨撫摩賞會發長詠  
獨恨才謝谷與坡哀此喪亂天薦瘥黃圖白日騰羣魔  
湯湯洪水盪岷嶓更堪東海騰蛟鼉毒狂噬誰能訶

捍圍守土無牧頗議論往復如交梭不聞一計戰守和  
眼看浩劫淪脩羅荆棘寧待悲銅駝片石寸楮誠么麼  
佛力豈能長撝呵更用腐儒恣吟哦一二徐遭際嗟輓軻  
身世慨念當如何把筆涕泗紛滂沱詔我還乞先生歌

邊關

邊關笳鼓動飛灰斜日高原晚吹哀一霎陰陽弄明晦  
萬家譟哭漲風埃纓冠被髮番番戲裂土分茅逐逐來  
爲虜爲奴行己及忍看金碧耀蒿萊

感事

節鎮雄遼海倉黃撤國藩擁兵千屈抑淪劫萬煩冤鶯

退

燕徵語煖豺狼得食喧燎原星火勢共盡更何言  
接席看揚榷蒸沙與控搏論交期刎頸抒議倘披肝其  
豆煎仍急藩籬固已難焚巢成底事吾夢自槐安  
臥薪謀未具破竹勢堪驚不作申胥泣空尋向戌盟孤  
軍期湔恥苦戰獨鏖兵援絕終何恃殘烽黑水明  
衆難以遊吳淞礮台詩見示次均奉會

廢壘秋風落日殷殘烽明滅亂流間創深私門猶相斫  
夢斷孤飛且獨還望海可能瀉悲淚觀河無復駐衰顏  
眼看萬族終無託始信孤雲一味閒

九日石遺師召同門飲蘇州寓齋余以病未至師

有詩見及賦呈一首  
孤呻曠野莽無儔  
夢逐胥臺勝日游  
好與築亭顏畏壘  
終虞覆國類仇猶  
風雲黯黯千哀集  
天海茫茫一嘅休  
蜀峽悲笳看正動  
驚心叢菊故園秋

散原先生八十生日

詩見示太以奉會

帝使扶元氣孤噫振國維  
九天飄咳唾四海念鬚眉  
絕島蛟螭橫深堂燕雀嬉  
匡山搖獨夢微論接天倪  
萬怪看皇惑西江滙衆流  
風雷極開闔星斗與沉浮  
墮淚皋夔業冥心甫白游  
鑄金形影在光氣擁千秋

和伯鷹

退

欣

疏簾微月晚逾幽斗酒真當與嬾謀越世高談開戶牖  
閉門孤賞劑甌甌神山鸞鳳荒唐夢大澤龍蛇掩抑秋  
眼底五湖烟水闊可能散髮弄扁舟  
棧樸荆榛一望中聊從避世隱牆東哀笳腥吹迷殘壘  
落日悲風咽故宮攬海鯨鯢千界震窺天蟻蠊九州同  
西臺痛哭它年淚顛倒何心問化工  
耳水北江先生寄示和孔才用杜均贈別伯鷹十律依  
均賦呈

歷歷諸天界迢迢萬里橋深杯偃溟渤孤劍拂雲霄世  
降懷先覺歌殘賦大招遊心黃葛表孤夢極道遙

指點蓬萊水年時幾淺清焚巢看旅燕爭樹亂啼鶯月  
殿花裙舞雲堂玉帶羹一歡須盡醉破浪好西行  
棟折僑將壓誰將一木支花看洛陽苑浴試華清池充  
耳冰蟲語危心著蔡知遼邊圖籍在一一忍重披  
陰雨三巴路新燐發故花墉穿爭鼠雀峽靜起龍蛇老  
父形容瘁遺黎性命賒白雲愁極目何地是吾家  
抱道吾師獨燕遼講席開羣才羅海樹孤賞託江梅野  
馬騰騰逝飛鳶逐逐來浩譟氣彌厲把卷坐莓苔  
畏友武強賀清遊屢玉泉瓌文霏蜀錦野服卸吳綿窺  
篆青田凍嬉春白打錢危城烽火逼愁望好山川

温



鑄象黃門作長空散妙香  
奔車出幽薊橫笛唱伊涼  
一笑量肥瘠千哀話用藏  
鍾山吾眼底佳氣故蒼蒼

弟畜子方子聲名漲液池  
波光浮白袷山翠擁青羅  
落落儕羣儉悠悠笑世兒  
向來酬倡樂仙侶鎮相隨

八極橫妖霧羞爲出岫雲  
賃春通德里弄筆送窮文  
泰華吾當極滯澠世豈分  
官書供說解日論謝紛紛

斗室哀千劫旁皇可若何  
天低星斗大野曠草蟲多  
明晦觀吞吐悲歡託嘯歌  
平生師友契何日一尊過

山... 卷十

春風吹綠柳... 二月... 春風吹綠柳... 二月...

春風吹綠柳... 二月... 春風吹綠柳... 二月...

春風吹綠柳... 二月... 春風吹綠柳... 二月...

春風吹綠柳... 二月... 春風吹綠柳... 二月...

春風吹綠柳... 二月... 春風吹綠柳... 二月...

春風吹綠柳... 二月... 春風吹綠柳... 二月...

春風吹綠柳... 二月... 春風吹綠柳... 二月...

春風吹綠柳... 二月... 春風吹綠柳... 二月...

春風吹綠柳... 二月... 春風吹綠柳... 二月...

温

涵負樓詩卷第八

閩侯曾克耑

挽林蔚文文

烽火危城涕笑艱  
倉皇單舸走鄉關  
音書萬里蛟涎濕  
魂氣三山鶴夢閒  
近嬾飲醇寧自放  
持鉛握槩有孤潛  
絕憐鹽鐵翻新論  
待燼微言未可刪

遊鄧尉口號

市塵夾岸漲昏埃  
一舸吳江緩緩開  
青翠推篷驚滿眼  
前頭知有好山來

香霧初縈笑語譁  
亂山合沓夕陽斜  
停舟木瀆知何事

爲覓橋西賣餅家  
輕寒微雨漾疎花  
欹枕胡床苦憶家  
鐙焰半明饑鼠出  
可容清夢到橫斜  
瘦蛟偃地氣嶙峋  
狀物吾師語逼真  
絳蕊繁英都插遍  
歸來無恙戴花人

避世

避世仙源迹久荒  
天台無復問劉郎  
紅雲一邏嬌如許  
似爲詩人炫曉妝

歸途有述

雨后天鐙弄影驕  
奔車馳道意蕭蕭  
蕭蕭艤舳狎浪層樓迥

一往心波鬱怒潮

會劉生鍾經

橫流未可方空山自覓夢萬籟鳴神絃靜聽衆鳥呀千  
劫過彈指羲和逝一縱所以古哲人發憤忘屢空九州  
幾英雄盜柄爭試弄坐令大儒業閉門事吟諷干戈雖  
未息詩書寧無用傾糟飲厥醇試與發春甕  
鬱鬱南山松拂天挺枝柯輕陰弄明月霧蓋森婆娑彼  
美兮不來渺渺洞庭波披蘿帶薜荔忽在山之阿禹功  
何混茫萬派疏九河孤胸羅萬象森然起微哦探源得  
祕奧歲月非蹉跎養氣真吾事憬然思孟軻

騏驥千里姿勢不虞顛蹶籛雲超天衢神采聳毛髮曩  
誦子七言嶙峋見風骨五言出貞曜磨瑩湛金鐵世事  
若飄烟浮漚千變滅惟茲立言業高名峙嶮嶮固窮儒  
者事奮厲莫悽咽千秋以爲期念念中腸熱  
若師吾同門琅然清節堅皎若雲中鶴下視卑人寢夢  
寐追黃羲指畫泐窮蟬說講做口舌憂患紛紛熬煎吾嘗  
戲語之吾曹俱盛年風氣開一代誓當芟茅菅儒術微  
不試濡沫窮海壖嗟余惰益甚誰爲施扶鞭  
俚語時所尊高文看自賤學子靡從風吁嗟此世變拯  
拔謝未能餘憤欲焚硯何來孤鶴唳勢異流鶯囀孔謝

退

挺兩豪筆亦走霆電精魄所渾融寧論面未面英聲試  
發越沉憂當自遣何日共一尊金波浮灑激

昌詩  
花朝石遺先生招飲蘇州胥堂秋岳有詩次均

接席猶能侍聖師玉卮浮醪影參差廿年幕府迴翔客  
可要恢張一世奇

破萼緋桃漸吐頰辛夷雖謝影亭亭詩人老去情何住  
賸道看花眼尙青

花光羅苑看如錦石色黃莊遠接天何用鄉關追往劫  
破愁正有酒如川

不寐

茗飲清無睡勞勞萬念馳愚心憐弟妹鼾息妬妻兒舞  
榭鐙初沸高樓漏漸遲青溪溪畔侶好夢費維持  
電炬橫窗入霜華逼枕涼孤思極幽渺長夜自迷茫幕  
府年年客官家念念荒黑酣尋不得養拙更何鄉

公渚示元日詩次均奉會

沸地哀歌壓萬喧欲從除夜起騷魂浮生已分形骸役  
殘世猶欣氣類存商略鸞棲枝要擇低徊蠹簡味逾溫  
昌詩倘爲扶衰運貞下真當與起元

贈公渚

神聖真成嘆伏徂詩書猶爲擷芳腴眼中意態無餘子



筆底精靈走萬夫  
蕨薇空山餘悵惘  
荆榛文囿待芟除  
虬枝醉撫婆娑影  
明月高天倘可呼

自滬乘飛機至金陵

鳴機軋軋御天風  
眼底鍾山尙鬱葱  
安得翻飛橫六合  
獨將浩氣絡鴻濛

方田萬畝各東西  
淺綠深黃一望迷  
六月天風鵬背穩  
故應塵土陋醯鷄

少日拏雲有壯心  
寥天莽蒼入孤吟  
蛙鳴蟬噪紛喧聒  
可識雲霄鷺鶴音

自晉乘飛機適秦

日氣迷濛曉霧橫  
雲山三晉看分明  
棉旒塞耳吾無取  
要識九天霆鬥聲

叢叢培塿麗初陽  
萬馬西來號太行  
我欲凌風偃溟渤  
揚塵更看海生桑

雲連秦嶺小嵯峨  
華嶽三峯眼底過  
振鬮層霄無个事  
自將白日看黃河

看了黃河又渭河  
濁清混混奈伊何  
秦關飛過無人識

記取雲間一曲歌

秦庭天醉亦尋常  
廣樂鈞天事渺茫  
我欲九閭親敏闕  
高旻無語色蒼蒼

溫

道喪

道喪才寧屈詩窮世豈知  
金銀圍寶氣珠玉寫哀詞  
天遠奔雲合江空落照遲  
扁舟吾羨汝一笑逐鷗夷

夢短

夢短醒猶覓心孤道自持  
雄堂千劫過危壑萬流趨  
墜露臨風笑奔雲逐日嬉  
飛車真可馭八極逐玄螭  
石室玄言渺晶窗暝色遲  
江光吞日氣雲脚濕煙絲  
浪疾鳧鷗狎巢欹燕雀嬉  
同舟應記取風雨入孤危

白門感述

比翼覆飛事費猜橫江我自御  
風來聞聲對影俱無分

繫魄纏魂漫自哀  
芳艸池塘餘晚晚  
飛英庭院幾徘徊  
多生情劫銷難盡  
又向胡園過一回

旅燕尋巢迹未荒  
閒情別意兩茫茫  
柴門俏倚通微笑  
幽徑重過認暗香  
耿耿星河人漸遠  
迢迢波路夢初長  
雲英故有藍橋約  
知待何年乞玉漿

昀谷先生挽詩

五濁不可居  
千劫方自孕  
眼中雪竇禪  
乘化了一瞬  
苦行老頭陀  
世法未許溷  
慧業與禪心  
沒地豈容徇  
往吾舊京遊  
官曹共游讌  
賞我咏蟬詩  
謂當冠時彥  
苟能洞禪慧  
所造當益進  
介我謁證剛  
妙論資取證  
示我釋大

欣

乘受讀苦未竟以我困一官抗言數引薦屢爭慚力小  
語我每憤憤南還我就婚佳篇寫見贈期我寶法喜每  
讀輒自奮烏乎大乘法諸佛見心印天眼閔衆生悲淚  
痛末運執著一掃空苦樂寧由扇末流味真識說法詎  
自聖福利與機鋒求逞意猶競貪癡痛凡夫顛危視國  
命何術起詩禪一爲藥瞑眩良藥廣救醫部十寶當誌  
燕居吾何營就公每論詩公詩有師法所說浩无涯極  
推栗里翁冲澹含天倪獨鄙謂杜公名胡經天垂問及  
近代作一一詆厥疵海藏氣味別滄趣工矜持无錯餘  
悱惻散原縛文詞下逮樊易作淫哇何卑卑陶公信澹

泊中蘊亡國悲至澹鬱至痛所造多雄奇杜詩含元氣  
巍然百代規忠愛所憤發誦之橫涕洟大范挺勝清憂  
亂多苦詞能兼坡谷長陳鄭同馳驅公詩吾夙好公說  
稍滋疑每思面諄公一爲抵掌嬉豈知別后世干擾紛  
百罹微軀役飢寒无復陳編窺憂亂餘獨唏亡質當語  
誰不見詩城摧異說方昌披讀食齋錄凡夫願京野國  
衰季叢垢污高才日凌替嗟公天人姿歷劫偶現示郎  
署舊迴翔了不異初地一麾擬蜀遊倉皇值易世破帽  
稱衲衣孤館儼蕭寺自參聲聞偈寧計禪代事雲鶴望  
寥天冥然有高契詩法示後來澹正出純粹超軼記挾

溫

友公真弄狡獪羅什試吞針倘爲示游戲故里西山春  
雜花爛无際蘭若託縹緲歸隱每作計公卿雖隆禮傳  
食等囚繫一棺返冥冥萬象鬱歎憤言欽吾母節許我  
爲文字津薊居屢遷覓稿難發笥冤親視平等去住了  
無礙不知石門禪編錄誰校字重泉痛永暎墓門闕奔  
祭風義念平生臨風隕危涕

早起

早起親書帙荒齋事事幽一晴開萬象羣瞽入孤囚世  
短人猶夢天高怨倘休牢盆清淨域嗟爾試回頭

宦夢

宦夢迷天遠，愁心逐雪飛。潮痕千劫在，雨脚四天垂。轉

轉鸞輪疾，勞勞生事微。眼中橫日衆，來日竟安歸。

橫流和伯鷹

橫流莽蕩更安之，小別難禁十日思。抱岸黃流波黯黯，  
倚樓大月夢離離。厲鄉未信无身患，栗里如聞乞食悲。  
爲問運斤潘技士，可能鑱刻出雄奇。

真如視病媪疾

薄倦荒村叱馭歸，四圍暝色暗侵衣。衆芳蕪穢傷春物，  
萬象荒茫漾夕暉。適野嬌兒看躍躍，迴車病媪有依依。  
操戈入室年時事，通德談經願早違。

温



野梅

野梅依約怯春寒  
初日園林得靜觀  
縱意終思雲一邏  
冥心徐味玉千盤  
鷗波風物供摩繪  
蠹穴功名自控搏  
吾土已非嗟信美  
可能長借一枝安

小園送伯鷹之武昌幕府

枯鱗涸轍各羈孤  
海角棲遲互沫濡  
暝坐微言際天地  
窮居逸唱滿江湖  
參軍倘許艱難試  
橐筆真成涕笑俱  
縣榻高樓覆眼老  
絕憐平楚日荒蕪

南來志事託園蔬  
朝莫猶當了衆狙  
殘世功名起刁斗  
故人魂夢怯舟車  
倚閭白髮垂垂病  
遺珮朱唇故故疏

漢水月明風露永可能重與續虞初

短褐倉皇夜半行車聲劍氣門崢嶸春波淞水看初長  
落照江皋有暫明貧賤驕人時所忌篇章用世道彌輕  
方舟溟渤尋常事底用橫流判濁清

小園

小園三尺許亦有數株花朝露浮珠點低闌鑄鐵遮迴  
旋真不易賞會信無涯何必蘭成賦江關涕淚除

送龍榆生教授中山大學

去去珠江水維舟可自由蕭寥將斷髮談笑決懸疣獨  
立知何畏相思苦未休百年論聚散試與語風漚

溫

記授疆村硯摩等痛不勝紅牙徐按拍青簡自傳鐙橫  
海將鷄鶴培風逐化鵬可憐淞浦水日夜尙奔騰

舊里名通德談經共草玄操戈看入室調瑟幾移絃  
颺颺枯骨蛟螭濕古涎袖中犀鼎筆好爲鑄新篇

贈周孝懷先生

廿年縣夢得瞻依髻鬣相從意未違獨斂雄芒親霽月  
敢持危睇對斜暉騷魂九逝猶呵壁易象孤搜早息機  
憂患彌天羣聖遠可能海角一傳衣

助詞要眇契神思學海窮年自得師新會差能開浩瀚  
桐城終與鑄瑰奇百家揚摧吾何讓千劫推移意尙疑

說向先生應有痛橫流無地足扶衰  
當年吾祖走蠶叢薄宦真成怨道窮  
每以風裁推葛相共傳教化啟文翁  
牧民寬猛雙心迴說尹噫嗟萬口同  
傳業未能行老大幾回撰杖涕橫空

會伯鷹

乘風將淚返何異戴星奔負米成虛願  
飛書有罪言百

艱餘妥骨萬憾欲殘魂了了區中夢何勞叩九閭  
亦知成暫別寸意鬱煩冤胸臆新潮急嬋娟宿夢溫心  
哀羣籟寂眼倦一鐙昏莫便悲淪放看看裂厚坤

一室

一室沉冥意朝光破曉才樓頭飛細雨屋角隱輕雷病  
柏枯凋盡疎花爛漫開苦吟成底事小立興悠哉華年  
久繫  
久繫成滋味傳呼刻刻懸長愁嗟薄宦微笑得酣眠海  
霧騰騰上江波逐逐圓鐘聲無着處時破定中禪

園府

園府歸車夜寂寥江波無際鬱新潮飄風疾雨看孤叱  
逐電奔霆走萬囂接坐胡姬通嫵媚閉門吳賈坐逍遙  
青紅幻盡人間世賸着街燈弄影驕

屋貴

屋貴春申未易居蜂衙鷓舍足躊躇載過曲徑尋空宅  
却上高樓望廢墟風雨彌天供點染川原無際會淪胥  
球場蹴鞠兒時事又費閒心一嘆歎

垂楊

垂楊陰裏草萋萋曲徑交叉路漸迷欲覓櫻雲無盡意  
不辭追夢到橋西

會伯鷹

妖霧沉陰塞大千誰從秦鏡判媿妍遊心自運鯤鵬海  
呵氣徐噓蟻蠓天擾擾絃歌淪小劫勞勞筆札送華年  
衆芳蕪穢苓通帝覓夢荒村一慨然

勘誤表

卷

卷	一	二	二	三	四	五	七	七	八
頁	三	七	七	一	十一	七	四	四	四
行	四	四	四	十六	一	八	三	二	一
字	十六	十七	十八	四	十六	三四	四	五	八九
誤	局	湍	瀨	願	局		陀	推	
倒						眼淚			葳蕤
正	鼎	澹	對	願	闕	淚眼	陀	推	葳蕤

通負樓詩

勘誤表

履齋叢刻

八

六

十五

六七

飢寒

寒飢

德興表

德

公

德

不

温



温河字 圆 书 馆

